



沈文肅公政書卷三目錄

江西巡撫任內奏摺

江西稅釐仍歸本省經收摺

同治三年



迭敗窺建之賊片

同日

會剿髮逆摺

同治三年三月初九日

精捷營攻克新城摺

同治三年三月二十日

髮逆傾巢西竄酌籌辦理情形摺

同治三年三月二十五日

縷陳近日軍情摺

同治三年四月初七日

報各路軍情摺

同治三年四月十三日

收復弋陽片

同日

沈文肅公政書卷三

報西路情形片

同日



目錄

立解撫州城圍摺

同治三年四月二十五日

賊氛環集建昌片

同日

附報廣信軍情片

同日

長左等營血戰解圍摺

同治三年五月初八日

祥營精毅精捷等營分路敗賊片

同日

奏參提督黃仁遺片

同日

老湘等營疊獲勝仗摺

同治三年五月二十日

圖復崇仁會剿各逆片

同日

江席兩軍會剿崇仁疊勝摺

同治三年六月初八日

恪遵 諭旨視賊所向帶兵迎剿片 同日

王沐中伏失利請子寬免處分片 同日

席寶田暫行革職片 同日

陸各軍掃清貴溪地面賊壘摺 同日

克勇會合各軍擊賊疊勝摺 同治三年六月二十一日

探聞金谿東鄉被擾片 同日

江席兩軍力攻崇仁疊勝摺 同日

官軍會剿崇仁掃平賊壘摺 同治三年七月初五日

先剿許灣片 同日

黃仁遺并無怨望情事片 同治三年七月十二日

沈文肅公政書卷三

目錄

二

籌防東路情形摺 同治三年八月十三日

信防軍情喫緊現籌進剿情形摺 同治三年八月二十七日

廣信地面一律肅清摺 同治三年九月十一日

截追竄逆片 同日

徐生德請假就醫片 同日

黎兆棠母馮氏 優加旌獎片 同日

查明辦理降衆情形摺 同治三年九月十七日

韓營克復雩都摺 同日

探報各路軍情片 同日

席軍剪除湖逆稔獲偽酋摺 同治三年九月二十五日

霆營飛援甯都血戰解圍摺 同日

龍南縣文武紳民請獎片 同日

霆營攻克瑞金賊遁出境摺 同治三年十月初二日

定南廳官紳請獎片 同日

席軍生擒首逆摺 同治三年十月初三日

福建軍情萬緊請令閩浙督臣剋日入閩摺 同治三年十月初六日

訊明首逆供情摺 同治三年十月十三日

訊明逆酋供情摺 同日

籲請歸養摺 同日

洪福瑱就地凌遲處決摺 同治三年十月二十七日

沈文肅公政書卷三

目錄

三

洪仁玕等三犯就地凌遲處死片 同日

報獲木質偽璽片 同日

籲懇收回 成命摺 同日

訊明繼果營營官摺 同治三年十一月初四日

已革補用道王沐免于發往軍臺片 同日

遵 旨援閩兼防回竄摺 同日

恭謝 天恩摺 同治三年十一月二十九日

霆營兵不宜分摺 同治三年十二月初五日

沈文肅公政書卷三

江西巡撫任內奏摺

江西稅釐仍歸本省經收摺

同治三年二月二十六日

奏爲江右軍務方殷民力已竭仰懇

天恩酌定協皖銀數將茶稅牙釐等款仍歸本省經收以固軍心而全民命事竊臣查咸豐十年五月初三日經督臣曾國藩片奏蒙 恩簡署江督與平時事勢不同皖南北均屬殘破之區蘇常徧地賊氛幾無下手之處請將江西通省牙釐歸臣設局經收以發征餉等因奉

旨允准在案伏念督臣此舉原謂當日事勢與平時不同不得

沈文肅公政書卷三

奏摺

一

不變通辦理而揆諸今日事勢則又與咸豐十年不同臣忝任封疆安得不再籌變通以期盡利謹爲我

皇上漚陳之查咸豐十年江西全省肅清蘇皖遍地皆賊督臣征餉自不能不專責江西今則皖北闔境救安皖南僅有廣德未復江蘇之蘇松鎮太氛祲全銷金陵常州功成指日上海殷富冠絕東南而江西水旱連年橫遭兵燹蘇浙敗竄死中求生今春以來入境殆將十萬忠侍堵輔各巨逆咸思接踵而至閩地無糧可擄彼卽欲窺楚粵亦必借徑廣饒勝則盤踞城池敗亦竄越山谷前此老巢可戀小挫卽復東歸今則破釜沈舟雖死絕無返顧此賊勢之不同者也咸豐十年督臣未離江境征

兵可兼防兵之用本省勇數寥寥取給錢漕雖蒂欠巴多尙堪敷衍今則督臣去江遠甚而督臣所部猛將精兵又去督臣遠甚猝然聞警雖欲捲甲疾趨鞭長莫及且前敵散動中賊牽制之計全局皆翻咸豐十一年李秀成直入長驅幾於蹂躪通省前車可鑒能勿寒心是以護撫臣李桓募繼果營二千人臣到任後募韓字營五千餘人添募繼果營一千餘人移調精捷營精毅營萬有餘人各府募守勇五百人尙尙願此失彼疲於奔命然勇數則倍蓰於昔矣夫蘇浙肅清羣逆挺走固無一時盡殲之理亦斷不能使其絕無可竄之路所望要地均有重兵步步截殺使無可據脅無可占據日勦日滅以至於無否則死灰

沈文肅公政書卷二

奏摺

二

復然大局何堪設想今春復飭未到任之贛南道王文瑞募湘勇四千各府州縣報募勇守城者或千餘人或數百人絡繹不絕將嚴其失守之罪不得不予以可守之資此兵數之不同者也咸豐十年以前江西連歲豐稔蘇浙路梗長江未有通商之議富商巨賈咸出其塗故團練不患無資勸捐亦易集事今則水旱屢告農鮮蓋藏長江通商海道暢行大賈盡趨滬漢團務捐務動輒窒礙民窮財盡丁漕兩款徵解不前而京餉出其中協餉出其中兵餉勇餉均出其中聞警以來合郡縣之募勇者均請留用正款靳之則城邑不保何有丁漕許之而庫藏空虛何從挹注此民力之不同者也夫以事勢不同如此但袖手坐

視不思變通江省糜爛不堪閩粵兩楚亦將波及縱蘇浙肅清
東南大局其可問乎

聖主痼瘵在抱出師命將備極焦勞蘇皖之民咸出水火而登
衽席臣雖奉職無狀何敢坐視江右既登衽席之民淪入水火
乎夫使能以江西之餉全力供督臣之兵以督臣之兵全力顧
江西之地豈不甚善而勢各有所不能者力各有所不逮也江
西爲督臣兼轄省分臣何敢稍分畛域然如湖南廣西等省皆
總督兼轄省分其不能協濟者無論已能協濟者亦每月數萬
金而止何者各有應守之地不敢自荒也卽牙釐茶稅等事亦
歸本省自辦何者各有應盡之職不敢自曠也如謂將將不得

沈文肅公政書卷三

奏摺

三

其人兵勇亦同虛設理財不得其道釐稅適以病民是則撫臣
失職督臣當劾而去之不當遙爲之謀令其安坐伴食也方今
各營枕戈殺賊懸釜待炊薪桂米珠深虞譁潰合無仰懇

天恩俯念江右生靈無以自存之苦察臣萬不得已之私准將
茶稅牙釐等款仍歸江西本省經收支用其督臣征餉酌量江
省力所能及者 欽派每月協濟數萬金俾征防兩無貽誤如

臣議窒礙難行應請

旨一面敕下部臣通盤籌畫准臣暫於江西牙釐茶稅項下分
提其半以濟急需而堵危局臣欽奉 誠諭勉以和衷非敢復
蹈前愆自于罪戾然事勢至此猶引避嫌怨任其顛危則上負

朝廷下負百姓獲咎滋重理合由驛六百里恭摺遞陳伏乞

皇太后

皇上聖鑒臣不勝惶悚待命之至謹奏

沈文肅公政書卷三

奏摺



皇上聖鑒臣不勝惶悚待命之至謹奏

皇太后

朝廷下負百姓獲咎滋重理合由驛六百里恭摺遞陳伏乞

迭敗窺建之賊片

同日

再窺建之賊自十四日敗後潛踞城東二十里之小嶺韓進春偕建昌兵勇分路擊之各擒斬數百追至洪門山賊遁踞黃源村乘夜由硝石上游渡河繞竄新豐上塘等處去建城五十里十六日韓進春勦賊於上塘小有斬獲楊錦斌勦賊於新豐毀其浮橋深入伏中爲所抄襲奮力突圍而去六品軍功馬兵吳定邦力戰陣亡都司劉玉和受傷甚重勇丁陣亡者十三人受傷者數十餘人十七日賊逼城南韓進春擊卻之十八日該逆悉銳三萬餘人犯精毅營席寶田令各營掩旗息鼓散伏左右密約韓進春劉勝祥分路擣虛該逆先犯中前後三營四面伏

沈文肅公政書卷三

奏摺

五

起縱橫盪決呼聲動天殺賊二千有奇該逆猶回旗猛撲者數次而韓進春劉勝祥已將賊館節節掃蕩旁抄而出賊大驚潰追奔四十里十九日韓進春進紮上湖營壘甫定賊乘夜涉河撲營半濟我軍擊之殪其前鋒遂遁二十日賊退兜港去建城九十里蔓延於新城南豐各鄉而前旗已入廣昌界矣訊據賊供該逆注意撫建今屢撼不動思由甯都窺贛州得署贛南道蔡應嵩署甯都州郭毓龍報已添招勁勇布置城守席寶田統劉勝祥向南豐留韓進春於上湖以杜回竄陣亡之六品軍功南昌城守營馬兵吳定邦可否仰懇

天恩照外委例賜卹以慰忠魂理合附片馳陳伏乞 聖鑒謹

奏

沈文肅公政書卷三

奏摺

六

奏爲髮逆竄踞南豐蔓延新城等處現飭各營會剿恭摺馳陳
仰祈 聖鑒事竊臣於同治三年二月二十六日將擊退窺建
髮逆情形附陳在案續據探報該逆意在併力攻建分支襲宜
黃以擾腹地十八日受大創知建城不可撼河西城館旣破宜
黃之路亦隔僞沛王遂於十九日潛隊竄擾南豐縣城僞天將
譚福以悍黨萬人築堅壘於城之西北爲固守計僞王宗一股
於新城各鄉肆行擄掠僞天將林正揚一股犯廣昌界二十日
韓進春劉勝祥派隊追之斬馘甚夥二十一日席寶田劉勝祥
拔營進建昌府董敬宣派訓導簡榮卽選同知張濤帶練數百

沈文肅公政書卷三

奏摺

七

爲之嚮導適賊攻三都前翰林院編修吳嘉賓督團力戰衆寡
不敵力竭被害賊遂猛撲宜黃一路卡隘聞大兵至乃退二十
二日席寶田劉勝祥營於百花亭距南豐城二十里韓進春營
於其右之謝坊二十三日韓進春由右路進踏毀包坊李坊賊
館截殺二百餘賊追逼城根劉勝祥破其左路山卡與精毅營
擒斬各以百計斃逆目金天福一名該逆退伏城中我軍以大
雨收隊二十四日席寶田劉勝祥會商必先平城外賊壘城乃
可圖辰刻雨止遂分路進攻沛逆譚逆於去城十里之羅蒲洲
迎敵猛撲祥字營數次我軍屹立不動賊氣稍阻祥字營遊擊
張集雲都司江宗良直擣賊堅精毅營遊擊張宜道等分支旁

襲賊敗依壘而陣環攻移時祥字營都司朱勝祥等以火彈火箭奮擊火發賊亂前鋒卓旗衝入沛逆棄黃馬褂風帽踉蹌入城毀北門逆壘四座譚逆負創而西祥字營都司鄒興發等乘勝偪之精毅營遊擊張宜道等繼之鏖戰時許城西逆壘齊潰我軍縱橫截殺附近逆館望風駭遁入城路絕覺水欲渡河流盛漲淹溺無算偽天將譚福爲祥字營千總曾佐朝所殺河東之賊由上游淺灘渡河東門亦出賊數千馳援均爲精毅營總兵邊曉堂等擊退沛逆復自北門出大隊回撲我軍合隊蹙之祥字營擬保把總黃永全袁正泰衝入城門大礮洞胸而殞該逆復匿城中我軍以天晚收隊計殺賊三千有奇溺斃千數生

沈文肅公政書卷三

奏摺

八

擒七百餘名得騾馬百餘匹陣亡勇丁五名受傷九十餘名二十五日韓進春進紮離城五里之樟樹下以牽制城賊席寶田擬先清河東賊館以孤城賊之勢連日雨甚河漲浮橋難成犯廣昌界之林正揚一股爲團練所扼聞二十四日之挫亦復折回本月初一日稍霽會隊攻城槍礮環施該逆堅匿不出初二以後復大雨如注矣臣以皖浙防兵既集調回精捷營繼果營合剿先除腹心之疾乃能專顧門戶該二營起程後聞杭城克復餘逆肆竄臣擬飭繼果營仍折回婺源嗣報該營已抵東鄉則去婺已遠去建甚近計浙河水發戰船得力後股亦未能遽進只得先其所急令精捷營進新城繼果營進南豐與席寶田

等合力夾剿以期迅速會殲毋貽鄰疆之患水師統領臬司劉
千濤副將孫昌國均派飛划上駛護輦鎮普承忠爲撫民所留
與劉千濤各派員抽隊前進計日內可陸續到齊必開大仗容
再探明戰狀續報內閣侍讀銜前翰林院編修吳嘉賓一腔熱
血至老不衰銜鬚授命殊堪憫惻可否仰懇

天恩敕部加等議卹准於殉難地方建立祠宇以慰忠魂祥字
營擬保把總黃永全袁正泰並懇 敕部照把總例從優議卹
除將城池被擾之南豐縣知縣莫廷蕃先行遴員摘印接署飭
查被擾實在情形嚴行參辦外理合恭摺由驛六百里馳陳伏

乞

沈文肅公政書卷三

奏摺

九

皇太后

皇上聖鑒訓示謹奏

精捷營攻克新城摺 同治三年三月二十日

奏爲精捷營攻克新城並各軍合圍南豐情形恭摺仰祈 聖
鑒事竊 臣於本月初九日將髮逆竄踞南豐蔓延新城等情馳
陳在案賊之至新城也署知縣唐先霖到任甫經旬日城垣塌
損未及修築該令集團迎剿小有斬獲而另股已由閒道犯縣
城該令斂圍入城賊多兵單初二日向城南場處猛攻聯丁兵
役陣亡數人受傷十數人遂被闖入該令及把總劉興榮退守
皮家源初五日精捷營提督黃仁遺徐生德由資溪進遇賊於
張司嶺斬百餘人而還初七日道員陳鳴志鄧子垣統諸營六
成隊並唐先霖所集鄉團攻東門外之南山亭賊悉銳來拒盪

沈文肅公政書卷三

奏摺

十

決數次擬保遊擊權光輝都司蕭五恩守備謝雲漢裹創血戰
殺賊甚多花翎都司邱采芹藍翎守備谷開文殞於陣勇丁陣
亡二十一名受傷七十八名初九日提督黃仁遺徐生德總兵
王順慶李祥松參將王政坤冒雨由張司嶺進紮大漢嶺陳鳴
志鄧子垣統各營隊護之賊蠡擁來爭殲其前鋒二三百名後
者遂退然大雨如注旋築旋圯竭一夜之力達旦營成望見將
軍殿後雙峯聳出踞其巔可以俯視一切然去賊已近進紮良
難初十夜總兵鄭長來徐良疎銜枚整隊挾鋤而進各營以
五成隊護之兩聲竟夜壘成而賊不覺已刻修濠未畢賊隊麤
集橫亙二十餘里陳鳴志鄧子垣飭各營堅壁以守俟其近壘

擊之以中軍江忠珀率所部策應賊恃其衆每攻一營輒環集三面鄭長來一營則四面皆賊連轟巨礮斃其猛撲者七八十人賊卻而復集提督黃仁遺憤極開柵率所部出賊屢卻屢前路突出賊後鄧善居王政坤徐生德李祥松龍萬貴李魁聯同時開柵迸出羣逆膽落奪路紛逃自相蹂踐我軍縱橫盪決勇氣百倍斃賊四千餘人生擒七十餘人奪軍械甚夥勇丁陣亡者十三人受傷者二十餘人據逃出難民供賊有他竄之勢是夜四鼓唐先霖及衆官紳領團丁爲導我軍冒雨疾進五鼓逼近賊壘及東北兩門已聞人聲洶洶黃仁遺等遂由城南缺處

沈文肅公政書卷三

奏摺

十一

登城署知縣唐先霖等繼之該逆不知所爲且戰且走劉光文等由北城衝入把總劉興榮等繼之城賊壘賊一時俱潰或走新豐橋或鳧水向西南路而竄踐死溺死者不可勝計當將新城克復殺賊二千餘人生擒八百餘人拔出難民千餘人奪騾馬百餘匹我勇亦陣亡五十餘名受傷七十餘名十三日各營追賊於樟村十四日追賊於苦林橋均有斬獲該逆遂越邱家隘入福建之建甯縣境此江忠義舊部之精捷營克復新城實在此情形也其踞南豐者恃東岸賊壘爲之犄角初五日劉于濬派飛刼營到遂護精毅祥字衛民等軍陸續東渡韓字營仍紮西岸初六夜天雨晦冥該逆以二百餘人悄襲韓字右營邏者

覺之各營屏息以待俟其越濠聚而殲之城根大隊知前匪事
敗而退初八日劉于濬所派黃名揚等普承忠所派吳邦樞等
以小隊誘賊於城西伏兵伺擊斬馘甚夥初九日天晴席寶田
飭東岸各營分三路進總兵邊曉堂等擊賊於八都墟賊潰節
節掃蕩而前守備楊錦斌擊賊於后竹賊亦潰追至大洋源斬
其僞倍天侯張在明橋背太坪殲之賊見我軍至依壘而陣遊
擊魏玉彩等各率所部由左路進參將劉勝祥率所部由右路
進遊擊王耀亮督戰船以巨礮轟擊賊勢不支敗向水南楓嶺
一路與僞天將林正揚合力以拒劉勝祥留一營陣於橋背以
遏城逆席寶田親統各營合擊之羣逆棄壘狂奔林正揚以騎

沈文肅公政書卷三

奏摺

十二

賊百餘步賊數百殿後回撲數四藍翎千總韓孝忠左腕中創
猶怒馬而進哨長蔣懷清以洋槍擊林正揚墜馬羣賊擁之易
馬而遁步賊數百靡有子遺追至劉家灣賊斷橋而去敗賊不
得入城而城賊爲戰船所扼不得東援乃出悍逆萬餘圍撲城
西營壘韓進春率各營及劉于濬普承忠奮勇隊迎擊之盪決
數十次殺賊六七百名擬保遊擊董德春把總廖衍柏葉隆仁
裹創血戰賊不能支遂潰入城韓字營把總王豐河中礮殞命
勇丁陣亡六名祥字營陣亡把總陳耀林六品軍功隊目蔣慶
安各營受傷弁勇共六七十名十一日祥字營衛民軍築壘於
橋背街城賊出爭精殺營護之水師溯流而上斃賊甚夥十二

日韓進春移兩營於偏左漸爲長圍之勢城逆悉銳猛撲韓進春以先鋒營中營爲正兵迎敵自率親兵營馬隊策應而以前營左營副左營爲奇兵左右抄出普承春胡迪堂等又由韓軍壘後繞出賊陣大亂斬馘無算追至賊下而還是日劉勝祥聞林正揚尙據城南五十里之丹陽墟派馬隊追之殲其尾股該逆遂入建甯縣境席寶田以東路已固悍逆屢犯城西十四日仍統隊西渡聯韓營作長壕以困之此合圍南豐之實在情形也臣查精捷營獨力克復新城厥功甚偉記名提督黃仁遺徐生德摧鋒陷陣驍勇絕倫係一品大員應如何獎勵之處非臣所敢擅擬伏候 宸裁按察使銜卽選道陳鳴志儘先選用道

沈文肅公政書卷三

奏摺

十三

鄧子垣調度有方可否以道員留江遇缺卽補其餘出力鎮將弁勇可否容臣擇尤請獎出自 逾格鴻慈署新城縣知縣唐先霖到任甫經旬日城池塌損歷任具報有案致被闖入情有可原事後會督紳團弁勇隨同克復尙知愧奮可否功過相抵免其置議之處候

旨遵行力戰陣亡之都司邱采芹守備谷開文把總王豐河陳耀林仰懇

天恩敕部從優議卹六品軍功隊目蔣慶安仰懇 敕部照外委例議卹以慰忠魂理合恭摺由驛六百里馳陳伏乞

皇太后

皇上聖鑒訓示謹奏

沈文肅公政書卷三

奏摺

十四



髮逆傾巢西竄酌籌辦理情形摺

同治三年三月二十五日

奏爲髮逆傾巢西竄續入江境酌籌辦理情形恭摺仰祈 聖鑒事竊臣於本月二十日將克復新城圍困南豐等情馳陳在案新城克後僞王宗一股蔓延於邵武府屬之建甯泰甯兩縣地面去江境均不過百餘里南豐屢經各營力攻大礮環轟仍復負隅不出該逆忍死以待者無非恃後股之必來杭餘旣已肅清是固意中之事然心腹之疾不去則門戶之守必不堅且徽浙重兵聯絡布置如尙不能阻遏則賊勢之大可知亦斷非江省酌分一二營所能濟事儻新南之逆回擾撫建卽糜爛不堪是以飭精捷繼果兩營毋分畛域緊追僞王宗一股飭精毅

沈文肅公政書卷三

奏摺

十五

韓字祥字衛民軍四營猛攻南豐務期及早殲除然後悉銳而東方有把握乃檄書甫發而廣饒警報雪片而來該逆初八日至昌化十二日至績溪雨驟風馳極爲剽銳可饒可廣防不勝防正值春耕農民失望臣不敢堅持前議飭精毅精捷繼果三營東馳仍以韓字祥字衛民軍三營留圍南豐計此檄甫經到營而二十日陳炳文汪海洋等逆已及德興之海口矣十七日李世賢黃文金等逆已及休甯之巖市矣江省軍務實有進退維谷之勢臣只得嚴催各軍迅速拔營探賊所向穩紮穩打以消其剽銳之氣飛催浙江臬司劉典吉南贛甯道王文瑞各統新募楚勇星夜來江其接統精捷營之總兵江忠朝已報起程

日期茲准湖南撫臣來咨復以舊傷觸發中止合無仰懇
天恩敕下湖南巡撫催令該總兵迅速醫調稍愈卽行來江接
統以資得力現在餉款奇絀而兵力實萬分不敷只得令席寶
田添招二千五百人以便調遣理合恭摺由驛六百里馳陳伏
乞

皇太后

皇上聖鑒訓示謹奏

沈文肅公政書卷三

奏摺

十六

奏爲縷陳近日軍情恭摺仰祈 聖鑒事竊臣於三月二十五日將髮逆續入江境情形馳陳在案嗣據探報該逆頭股麇聚德興之海口曹門等處堅築營壘搭造浮橋二十六日撲小港樂平縣孫鑑督勇嚴扼河岸紳團輔之內河水師統領孫昌國檄參將劉光裕助之礮斃多賊乃退二十七日續獲小勝二十八日悍賊蟻集分路撲營其勢甚盛孫鑑提七成隊出營決戰團丁六千人半出迎敵半伏叢莽閒劉光裕以礮船分布南岸該逆吶喊而來聲振山谷見我軍屹立不動氣稍沮適風力猛盛水陸憑上風以槍礮擊之伏兵乘風縱火羣逆駭退刀矛繼

沈文肅公政書卷三

奏摺

十七

進殺賊數百救出被擄難民甚多三十日卯刻該逆繞從牛頭灘擇淺而渡孫鑑聞警馳至該逆望見牛渡折回截殺其尾隊數十奪馬數匹午刻該逆分十餘股林立河干我軍隔河相持槍礮互轟斃賊不少而孫鑑左手亦受槍傷忽上流竹筏十餘飛駛而下礮船溯流奮擊盡奪其筏悍賊咸沒於水次日水陸各勇復將其曹門林河浮橋盡行折毀雨甚水漲該逆以樂平猝不可渡乃分股趨黃柏塘逼近弋陽地界而海口等處之逆壘則仍盤踞如故其第二股由歙南趨華埠二十四日圍副將戴奉聘營適管帶長左營道員王德榜之前隊至入營共守二十五日王德榜以後隊進援至七都球賊已布滿山谷乃退駐

玉山城外二十六日黎明副將顧雲彩雕剿於七渡橋小有斬獲午刻撲城礮斃其逆目二名悍逆百餘名乃退二十八日王德榜擊賊於七里街亦有斬獲該逆麇聚於上玉交界之沙溪希圖南竄廣豐道員張岳齡派隊擊之於軍家渡殺斃淹斃甚多該逆仍退沙溪北岸此東路情形也南豐踞逆負隅如故二十二日精捷營逼城築壘城中出悍賊萬餘撲之提督徐生德總兵李榮發等悉力相持進退數十次總兵曹復勝哨長鄧在高裏創血戰韓進春督隊助之均殺賊甚夥乃遁入城其小股之梟水犯繼果營者亦敗而退二十五日精毅營繼果營拔赴東防該逆出撲祥字營受創而退二十六日城逆傾巢出撲精

沈文肅公政書卷三

奏摺

十八

毅營苦戰數時回合百餘次營官邊曉堂周家良陳柏貴委員曾策均受礮傷殺賊盈千賊猶不退韓進春馳援分路齊力痛勦更番疊戰賊拚死回撲見我軍無閒可入乃潰入城精毅營陣亡擬保千總王貴發一名勇丁六名受傷百二十一一名韓字營陣亡二名受傷二十四名是日竄建甯之僞王宗出窺廣昌犯尖峯隘欲爲南豐聲援知縣彭芝都司于宣督兵練擊之遁向石城甯化交界之分水均而去席寶田恐韓進春勢單未敢猝拔乃令祥字營衛民軍移紮兜港以通建昌爲可進可退地步仍以精毅韓字兩營留攻南豐此西路情形也記名總兵江忠朝於本月初三日抵省初六日馳赴安仁所屬鄧家埠行營

接統軍事贛南道王文瑞已抵袁州派隊進扼永豐准督臣曾國藩來咨已檄提督鮑超援江閩浙督臣左宗棠檄湘克等營跟蹤追剿副將劉明珍統安武軍四營已抵玉山惟聞甯國等處後股絡繹而至援軍恐爲所牽制耳所有精毅營三月二十六日陣亡之擬保千總王貴發並韓字營三月初九日受傷旋即身故之擬保把總廖衍怡仰懇

天恩敕部照陣亡例從優議卹以慰忠魂理合恭摺由驛六百里馳陳伏乞

皇太后

皇上聖鑒訓示謹奏

沈文肅公政書卷二

奏摺

十九

奏爲報明玉山解圍樂平肅清並各路軍情仰祈 聖鑒事竊

臣於本月初七日業將近日軍情馳陳在案嗣據報稱三月二十九日閩浙督臣左宗棠派援之安武軍副將劉明珍擊賊於十七都長左營道員王德榜擊賊於鳳凰山均獲全勝三十日副將顧雲彩抽八成隊署玉山縣章激以義勇五百民團千人繼之會於距城五里之東津橋鏖戰兩時顧雲彩陣斬偽冊天福傅永珊偽報天義謝源恩等賊始稍却營官顧文福曾光榮從旁包抄章激揮練勇四面追殺有穿黃龍馬褂騎賊落荒而走數面蜈蚣旗護之顧文福擊以洋槍應聲墮馬賊陣大亂追

沈文肅公政書卷二

奏摺

二一

奔二十餘里王德榜從十里山分勦劉明珍從螺絲山分勦合計各營斃賊三千有奇城圍遂解我軍陣亡哨官六品軍功何啓昆團紳副貢黃夢槐二名其副將戴奉聘等堅守華埠營盤賊以萬衆環攻三晝夜知窮力竭而退該營亦拔隊跟追至玉王德榜劉明珍遂統隊疾趨廣信此玉山解圍情形也香屯林河曹門一帶逆壘疊經內河水師及樂平練勇所挫遂於初一日夜遁初二日黎明樂平縣孫鑑督勇追及於德興之黃柏園斃賊三百餘名我軍陣亡哨官一名勇八名受傷三十餘名各路鄉團助之窮追二十餘里又殺賊七八百名生擒五十餘名救出難民三百餘名德興亦無賊蹤此樂平練勇會同水師鄉

團保全本境並肅清鄰境情形也德樂既靖賊遂由戚公鎮方家墩分竄弋貴弋陽縣葉琳貴溪縣周溯賢均嬰城待援初五日亥刻提督黃仁遣徐生德總兵鄭喬隆李榮發入貴溪城賊隊去城僅二十里矣初六日賊以萬餘衆三面撲城我軍掩旗息鼓賊遂傳堞槍礮猝發斃其前鋒百餘驚阻而退於離城五里外之騎龍山背築壘夜四鼓哨長羅福隆率廣勇二百餘人銜枚潛進各營以二成隊應之該逆倉皇失措棄壘遁歸弋陽自弋陽圍合上遊文報不通探聞沙溪之賊已分路南渡從上饒縣屬之上瀘坂至鉛山縣屬之湖坊陳坊遍地賊蹤然廣信廣豐必無他慮惟弋陽勇僅五百城大而低勢殊岌岌又聞該逆已從黃沙港過河繼果營道員王沐紮營於貴溪之南岸以備之臣查兵數賊數多寡懸殊所賴各保要區使之無可依據玉山樂平均當賊衝一則力戰却敵一則保護全境兼援鄰封均屬著有微勞除副將戴奉聘劉明珍所部應由左宗棠請獎外其按察使銜浙江補用道王德榜可否賞加布政使銜副將顧雲彩可否交軍機處記名遇有總兵缺出請

旨簡放擬保花翎儘先都司顧文福可否免補遊擊以參將補用擬保花翎留江補用遊擊曾光榮可否賞給勇號藍翎運同銜升用知府候補同知直隸州署玉山縣事章澂可否以知

府留江補用

賞換花翎副將銜儘先參將劉光裕可否以副

將儘先補用並

賞加總兵銜擬保藍翎升用同知樂平縣知

縣孫鑑可否

賞換花翎並加知府銜五品銜卽選知縣余汝

霖可否以同知儘先卽選並

賞戴藍翎分發安徽候補縣丞

徐預猷分發安徽候補府經歷彭達可否以知縣仍留安徽儘

先補用並

賞戴藍翎五品銜候選縣丞孫福寶可否以知縣

儘先卽選並

賞戴藍翎其餘出力員弁勇丁可否由

臣擇尤

請獎之處出自

逾格鴻慈其陣亡之團紳副貢黃夢槐哨官

六品軍功何啓昆仰懇

天恩敕部照外委例議卹以慰忠魂理合由驛六百里馳陳伏

沈文肅公政書卷三

奏摺

二十二

乞

皇太后

皇上聖鑒訓示謹奏

收復弋陽片

同日

正繕摺開續據報稱本月初四日午刻賊數千人直撲弋陽之
小北門城上施放槍礮擊斃數十人水師輔之賊稍卻另股數
千繞撲東門軍功吳金鼇燃大礮轟斃黃衣賊目一人餘賊數
十人我勇亦傷亡數人忽山後突出黑旗悍賊萬餘蟻附城下
外委劉步瀛以洋槍奮擊連斃數賊忽吳金鼇中槍殞命署知
縣葉琳馳往救護親兵葉步蟾葉秋先力戰遇害逆賊蠹擁擊
援而上葉琳受傷墜馬勇丁背負出城礮船向前接應遂赴西
鄉招集潰勇外委劉步瀛率衆巷戰陷入重圍存亡未卜初九
日精捷營道員陳鳴志鄧子垣督隊馳赴弋陽該逆大隊業已
沈文肅公政書卷三

奏摺

二十三

過河以悍賊千餘拒我於離城十里之連湖坂相持良久適大
雨如注我軍佯爲收隊之狀賊遂退去提督徐生德等捲旗疾
趨城賊驚駭競趨浮橋人擠橋斷溺死甚衆不及渡者均被我
勇擒斬遂督同將弋陽城池收復除再飭總局司道查明該縣
被擾情形有無捏飾並外委劉步瀛實在下落分別辦理外所
有此次出力之精捷營弁勇可否附入克復新城案內一併請
獎之處出自

天恩合再附片馳陳伏乞 聖鑒訓示謹奏

再南豐踞逆以祥衛兩營移紮兜港本月初五日逆衆分撲韓
席兩營席寶田韓進春奮擊卻之殺賊千餘名我軍陣亡十名
受傷數十名初七日席營回紮百花亭卽今祥衛兩營先行回
顧建昌其僞王宗一股復由閩境回竄新城之樟村僞天將林
正揚一股竄入甯都州界合將西路情形附片陳明伏乞 聖
鑒訓示謹奏

沈文肅公政書卷三

奏摺

二十四



五... 一... 二... 三... 四... 五... 六... 七... 八... 九... 十... 十一... 十二... 十三... 十四... 十五... 十六... 十七... 十八... 十九... 二十... 二十一... 二十二... 二十三... 二十四... 二十五... 二十六... 二十七... 二十八... 二十九... 三十... 三十一... 三十二... 三十三... 三十四... 三十五... 三十六... 三十七... 三十八... 三十九... 四十... 四十一... 四十二... 四十三... 四十四... 四十五... 四十六... 四十七... 四十八... 四十九... 五十... 五十一... 五十二... 五十三... 五十四... 五十五... 五十六... 五十七... 五十八... 五十九... 六十... 六十一... 六十二... 六十三... 六十四... 六十五... 六十六... 六十七... 六十八... 六十九... 七十... 七十一... 七十二... 七十三... 七十四... 七十五... 七十六... 七十七... 七十八... 七十九... 八十... 八十一... 八十二... 八十三... 八十四... 八十五... 八十六... 八十七... 八十八... 八十九... 九十... 九十一... 九十二... 九十三... 九十四... 九十五... 九十六... 九十七... 九十八... 九十九... 一百...

奏爲侍逆突犯撫州陸師固守水師血戰立解城圍恭摺仰祈
聖鑒事竊臣於本月十三日將各路軍情馳陳在案自弋陽復
後該逆蟻聚弋貴之南鄉十一日繼果營擊之於馬鞍山鏖戰
逾時殺悍賊五六百名賊越溪而遁我師乘勝窮追日暮收隊
另股賊分路抄至守備彭稱發陷陣身被數十創猶手刃兩賊
而殞千總賀長發方柏順把總趙洪勝徐友勝帥鳳元外委龍
日勝田開勝力戰死之陣亡勇丁四十三名受傷五十二名各
營哨更番回撲殪其先鋒騎賊卻戍刻始收隊歸營自是賊
不敢迫南岸然尙出沒於盛源洞等處以牽制我軍而侍逆悍

沈文肅公政書卷三

奏摺

二十五

股十五日越金谿犯許灣爲劉于濬戰船所擊不得渡十六日
寅刻犯撫州之河東灣劉于濬飭右後飛划三營從上擊下衝
鋒營從千金坡橫擊之賊用洋礮抵拒互有殺傷已刻大股猛
撲東門外之文昌橋營官黃名揚胡迪堂施從善轟大礮奮擊
萬立松以舟師助之羣子雨落斃賊無算賊奔入民房倚牆自
護從牆隙施放洋槍劉于濬派保南營登岸拆牆賊無所藏身
乃退少頃復集輪番誘戰見星未已夜半戰愈酣悍逆各頂木
板護以溼絮呼噪而前後面洋礮子如飛蝗黃名揚踞橋上礮
臺施從善等守卡屏息以待俟其切近排礮驟發殲之後隊悍
賊拚死徑撲卡門胡迪堂中礮殞命哨官黃國棟傅成龍程光

富等均受重傷先後陣亡勇丁數十名黃名揚以火包連環擲下焚斃溺斃無數萬立松李春培及帶韓字營礮船曾天發等督舟師環擊燕毅郭子奇以旱隊助之護贛南鎮普承忠撫州府吳祖昌等督兵勇於城上連轟巨礮至十七日寅刻賊始計窮而遁十八日子刻復突起攻橋環賊城中內應以亂軍心劉于溥飭列陣以待不許輕易放礮該逆撲至橋邊火彈槍礮並舉斃賊極多羣酋負創憤極領悍黨一擁而上黃名揚將藥桶推下燒死悍酋數十羣賊駭走戰船及城上巨礮環施斃賊尤衆賊繞至千金坡偷渡水師上駛奪其牌筏數十架長梯數十條賊遁許灣十九日李春培等擊之於許灣斷其浮橋賊遁金

沈文肅公政書卷三

奏摺

二十六

谿大路而去繼果營精捷營亦先後馳至撫城可以無虞是役守兵二千狂寇數萬危城獲保水師之力爲多而力扼文昌橋之將弁尤爲不避艱險布政使銜署甘肅按察使劉于溥調度有方膽識鎮靜應如何獎勵伏候 宸裁留江儘先補用參將施從善留江儘先補用遊擊黃名揚可否均以副將留江儘先補用並 賞給勇號護贛南鎮總兵南昌協副將普承忠可否交軍機處記名遇有總兵缺出請

旨簡放其餘出力文武員弁勇丁可否由 臣 擇尤請獎之處出自 逾格鴻慈其陣亡將士尤堪憫惻仰懇

天恩敕部將留江儘先參將胡迪堂照副將例議卹都司銜好

備彭稱發照都司例議卹千總賀長發方柏順把總趙洪勝徐
友勝帥鳳元外委龍日勝田開勝從優議卹以慰忠魂理合由
驛六百里馳陳伏乞

皇太后

皇上聖鑒訓示謹奏

沈文肅公政書卷三

奏摺

二十七

再精毅營自初七日回紮百花亭去南豐已二十里席寶田以韓營勢孤賊必猛撲初八日寅刻派隊馳伏韓營之左辰刻賊果傾巢擁至直逼濠邊韓進春鳴鼓整隊而出精毅營徑抄賊後奮力夾攻斷賊數段斬馘千餘賊大潰我軍追至城下精毅營守備楊明發千總李典發奪門而入韓字營親兵陳得珠馬隊會芳漢攀堞而登均中槍殞命環攻逾時該逆堅匿不出乃斂隊而退席寶田得賊南渡信河之信拔回建昌韓字營移紮高嶺以杜其下竄宜黃之路十二日賊擾西鄉署知縣譚禮紳士饒世德以聯丁擊走之十四日賊至樟樹下焚燒民房韓進

沈文肅公政書卷三

奏摺

二十八

春擊走之其僞王宗一股由新城瀘溪入金谿界以會侍逆林正揚一股爲石城甯都兵勇所扼折而西趨又爲瑞金雩都興國兵練所擊復南入福建之甯化界侍逆自撫州敗後循河而南以窺建昌陳炳文尙在弋貴之南鄉汪海洋於陳坊湖坊堅築營壘擄糧熬硝尾隊出沒於弋鉛交界之黃沙港王德榜敗之十八日賊由青沙灣過河攻楮亭山堡鄉民據堡死守王德榜援之殺賊千計北岸肅清而金壇句容竄匪復至德興之海口矣賊氛環集計日內建昌必有數次惡戰也王文瑞現紮永豐劉典已抵袁州不日可到省城所有精毅營陣亡之都司銜守備楊明發青陽解圍案內擬保遊擊克復金谿計功應保參

將守備銜千總李典發青陽案內擬保都司克復金谿計功應
保遊擊可否仰懇

天恩敕部將楊明發照參將例議卹李典發照遊擊例議卹以
慰忠魂理合附片馳陳伏乞 聖鑒訓示謹奏

沈文肅公政書卷三

奏摺

二十九



天恩敕部將楊明發照參將例議卹李典發照遊擊例議卹以
慰忠魂理合附片馳陳伏乞 聖鑒訓示謹奏

再自弋陽被擾後廣信文報不通者累日茲據報稱該逆竄聚沙溪思由靈溪橋口突犯廣信兩次乘夜搶渡三次搭造浮橋均經水師擊退廣信府鍾世楨派副將哈必發以旱勇輔之賊遂改圖南渡四月初一日道員張岳齡督勇馳至葉家灘賊過浮橋者已千餘人參將毛全陞遊擊黃菊亮奮力猛衝賊退趨浮橋橋斷溺死無算參將唐訓利等復將龔家渡浮橋拆毀賊鼻水逃命漂沒殆半忽對岸村中湧出悍賊洋礮子落如雨毛全陞左手打斷守備唐光曜以礮船破賊卡上駛合力鏖戰殺賊甚夥勇丁亦有傷亡相持兩日賊以船筏搶渡者十數次均

沈文肅公政書卷三

奏稿

三十一

經擊退而河水日涸賊旗漸趨下遊縣互數十里處處策馬可渡張岳齡以城池喫緊乃回顧廣豐鍾世楨於北岸派隊雕剿時有斬獲初三日道員王德榜副將劉明珍擊賊於五村橋大獲全勝賊以郡城無可窺伺乃盡數南渡向廣豐初四日王德榜張岳齡並廣豐練勇邀擊之青荆山石灰嶺初五日追擊之於洋口鎮均擒斬甚多賊遂下竄結壘於鉛山之湖坊陳坊廣信廣豐兩城幸保無恙除道員王德榜甫於玉山解圍案內請獎並副將劉明珍應由左宗棠擬保外按察使銜江西卽補道廣信府知府鍾世楨可否 賞加布政使銜候選道張岳齡可否以道員留於江西補用其餘出力員弁勇丁可否由 臣 擇尤

保獎之處出自 逾格鴻慈又臣接准精捷營統領江忠朝函稱初九日克復弋陽署知縣葉琳署外委劉步瀛均帶重傷隨同出力臣查此次弋陽被擾勇僅五百傷亡至百有餘人可謂力竭劉步瀛陷入重圍奮力殺出被賊斫去一手葉琳腿亦受傷醫治數日卽親歷行間隨同克復責以守禦之無術罪實難辭而諒其衆寡之懸殊情猶可恕可否請將署弋陽縣事試用知縣葉琳署弋陽汛外委事興安汛外委劉步瀛革職暫行留任以觀後效之處出自

天恩理合附片馳陳伏乞 聖鑒訓示謹奏

沈文肅公政書卷三

奏摺

三十一

奏爲長左等營連日血戰解圍殲賊恭摺仰祈 聖鑒事竊

臣

於四月二十五日業將各路軍情馳陳在案茲據報稱僞烈王林彩新一股由德興之海口內犯樂平縣孫鑑敗之於楓源該逆遂趨方家墩長左營王德榜於四月二十二日由河口拔赴弋陽資糧軍火陸運不便而水運爲黃沙港賊卡所阻乃令主簿劉廷選師船護之王德榜列陣北岸以待午刻抵黃沙港該逆伏卡開礮王德榜調集槍隊連環轟擊忽港內衝出賊船十餘隻洋槍洋礮子如雨點劉廷選等催船猛進焚燬其船該逆棄船梟水淹斃甚衆卡賊爲北岸槍隊所擊立腳不住退紮山

沈文肅公政書卷三

奏摺

三十一

頭水陸遂於是夜三鼓抵弋二十五日林逆由方家墩突犯弋陽衆尙數萬王德榜捲旗息鼓寂若無人該逆望見無備猝逼城根槍礮驟發羣醜駭散伏匿濠邊墟墓之閒王德榜留四成隊同知縣葉琳守城自督總兵蕭得龍等分兩翼而出內河水師劉世玉汪懷俊河鎮水師劉廷選平江水師吳佑翺等沿河轟擊酣戰數時擒獲冷天燕鄭定懷冰天安張得福僞丞相吳得斌斃賊三千餘名生擒百餘名解散難民數千奪馬五十五匹該逆竄踞湖西二十六日寅刻王德榜督隊出大雨如注黎明抵湖西捉曉汲者數人訊供賊猶睡熟我軍悄然以進入館卽殺一村旣盡復進一村賊覺狂走散擲金銀衣物餌我追師

王德榜傳令猛進逼之於小河殺斃淹斃無數河流盡赤又追及於青板橋人擠橋斷落後者皆伏地受縛前隊擁大轎一乘有龍袍龍靴巨逆棄轎而逃亂刃交下莫詳其僞號也餘逆從埠前街後嶺散竄人馬踐屍而還百姓在山上觀戰無不稱快斃賊萬計生擒數百奪獲騾馬五百餘匹拔出婦女幼孩二千名是夜探知該逆潛聚楊家坂五洋店等處思渡河而南與黃沙港賊合王德榜於五鼓親督各營全隊進河鎮內河平江師船及興安武生蔡廷龍團勇輔之南岸搭浮橋甫半賊未及渡王德榜分三路環攻王德權蕭得龍怒馬直入逆勢不支忽對岸黃沙港踞逆從上游用竹筏小船飛渡悍逆千餘來援卽以

沈文肅公政書卷三

奏摺

三十三

船筏接遞北岸之賊王德榜令李運龍以親兵抵住援賊飭麥錦鑾催進師船胡傳釗等衝以馬隊王德權等截其一股圍而殲之南岸浮橋行將成矣劉廷選等師船開礮轟擊該逆轉入山岡立將浮橋拆毀船筏焚盡賊目拍馬大呼曰生路絕矣尙不拚死一戰耶羣逆響應銳不可當千總陳宗祥見賊勢猛遲迴不進王德榜斬之以徇慶戰三時回合數十次該逆智窮力盡相率躍入水中死者無算解散尤多據生擒賊供林彩新亦沒於水弁勇陣亡九名受傷十二名查烈逆率黨數萬由婺源德興直犯弋陽希圖南竄歸併前股各營將士連日血戰力解城圍殄滅巨股除閩浙督標各營應由左宗棠查明請獎外按

察使銜浙江儘先補用道王德榜身先士卒調度有方前於玉山解圍案內擬保布政使銜此次應如何獎勵之處恭候宸裁花翎參將劉世玉可否以副將儘先選用並賞加勇號花翎遊擊汪懷俊可否以參將儘先選用並賞加副將銜留江補用主簿劉廷選可否以府經仍留江西補用並賞戴藍翎守備銜拔補千總吳佑翺可否以守備儘先選用並賞戴藍翎興安縣武生蔡廷龍可否以把總拔補並賞戴藍翎其餘出力文武員弁勇丁可否由臣等擇尤保獎之處出自天恩理合會同協辦大學士兩江督臣曾國藩閩浙督臣左宗棠兵部右侍郎臣彭玉麟恭摺由驛六百里馳陳伏乞

沈文肅公政書卷三

奏摺

三十四

皇太后

皇上聖鑒訓示謹奏

祥營精毅精捷等營分路敗賊片

同日

再待逆自撫州敗後沿河上竄四月十九晚襲據建昌之萬年橋二十日辰刻擁衆數萬逼祥營而陣劉勝祥偃旗以待席寶田先以四營伏左路山下頃刻賊向祥營攻撲劉勝祥督令士卒環施槍礮斃賊甚多並斃白衣賊目一名賊卻適左路之伏突起祥字營亦自內擊出賊潰我軍掩殺四五百名其分支攻襲北門亦經董敬宣等率兵勇擊退而賊之大陣猶堅立田隴精毅營負山陣於左祥字營依河陣於右賊向前猛撲我軍俟其稍近以劈山礮轟之死傷無算乃斂向河干劉勝祥席寶田復由左右分路夾擊截賊數段縱橫盪決賊勢不支斂踞橋卡

沈文肅公政書卷二

奏附

三十五

或由橋之上下晷水而逃精毅營藍翎外委孟春新六品軍功

唐占春楊啓信彭得意劉茂盛祥字營藍翎都司范得旺外委

周連勝劉友林劉嘉裕槍奪橋卡中傷殞命藍翎千總周之星

唐啓大車旗繼進都司陳柏貴舒再元鄒興發遊擊張集雲各

率所部攻克橋之頭卡該逆縮入中卡死拒洋槍如雨席寶田

等乃收隊還該逆以建昌不可撼二十四日在闔口伏牛等處

搭造浮橋經席寶田劉勝祥派隊截擊詎該逆以萬餘人由萬

年橋擁至牽掣我軍遂由下游西渡於二十五二十六等日分

竄宜黃崇仁五月初三日總兵江忠朝以精捷營跟追敗之於

崇仁城外六里之咸家汶殺賊六七百人兩甚收隊席寶田調

韓字營回守建昌自與劉勝祥統隊由上頓渡繼進劉典二十七日抵臨江該郡官紳乞留遂飭各營駐紮臨江自行馳抵省城與_臣會商一切王文瑞仍駐永豐贛臨河道甚長戰船尚嫌單薄適兵部右侍郎彭玉麟派提督喻俊明總兵張錦芳來接遂跟踪上駛劉于潯亦添派戰船駛赴樟樹一帶河水甚漲西岸可以無虞惟該逆不得西渡難保無下趨之意省城除標兵餘丁外並無一勇_臣檄護九江鎮萬泰督同都司王定國所部千餘兵來省以顧根本重地咨請督臣酌派數營接防湖口並飛咨提督鮑超兼程來接現在汪海洋陳炳文兩股仍在廣信南界林正揚一股尚在甯化地面南豐據逆時擾各鄉均經韓

沈文肅公政書卷三

奏摺

三十六

字營擊退除查明宜黃崇仁被擾詳細情形再行具奏外相應仰懇

天恩敕部將陣亡之都司范得旺照都司例外委孟春新周連勝劉友林劉嘉裕六品軍功唐占春楊啓信彭得意劉茂盛照外委例均從優議卹以慰忠魂理合會同協辦大學士兩江督臣曾國藩閩浙督臣左宗棠兵部右侍郎臣彭玉麟附片馳陳伏乞 聖鑒訓示謹奏

再准統領精捷營總兵江忠朝咨稱該營自江忠義故後軍無
統帥將多驕蹇道員陳鳴志鄧子垣權難相轄不能不委曲含
容營中相習成風遂至漫無紀律怨毒之聲盈於道路揆厥由
來實緣一二大員自恃官階不受約束又思藉故離營希冀白
成一隊江忠朝抵營之後剴切曉諭申明舊章並告以但警將
來不咎既往各將官亦漸知斂跡兢業從公惟管帶前鋒營記
名提督黃仁遺驕妄特甚不思改悔前於江忠義初沒卽在南
昌娶妾嗣後屢次請假江忠朝以軍務喫緊一人開端則各思
效尤未經允准新城之役經臣飭局發銀二千兩犒賞該軍出

沈文肅公政書卷三

奏摺

三十七

力弁勇黃仁遺倡言該營必須分銀千兩陳鳴志鄧子垣以此
言難服衆心將此項銀兩移交江忠朝分發江忠朝屢經勸諭
黃仁遺猶復堅執前說四月十八日自貴溪拔營該營勇丁李
大旗攜帶婦女經鄧子垣查出面交究辦黃仁遺旋將李大旗
縱放又該營勇丁李得貴強保臨川縣令拏獲之游勇咆哮肆
橫黃仁遺亦漫不查究去冬今春又將該營得力哨官及老勇
遣回以致營務減色尤可異者該營抵撫江忠朝特派親兵隊
長江忠仁執持令箭稽查城門該營勇丁不穿號褂恃強闖入
與親兵扭毆並將令箭折斷適江忠朝自營入城目擊情形飭
令拏拏懲辦該勇登時逃逸黃仁遺旋卽來謁口出狂言江忠

朝示以折斷令箭黃仁遺謾罵不顧昂然而去隨將前鋒營營官關防遣人呈繳前來查黃仁遺臨陣奮勇是其所長而縱容勇丁陵侮同儕本其錮習江忠義在日亦稱其爲匹夫之勇非統衆之才錄其微長終不假以重任該提督始隨安徽巡撫江忠源爲勇丁繼隨四川藩司江忠濬爲哨長嗣隨江忠義爲營官洊升今職江忠朝曾四次攝統此軍今各將弁均遵號令而黃仁遺乃狂妄有加若不示以薄懲則該鎮徒擁統領之名營規終無整肅之日請將該提督奏參等因臣查黃仁遺由勇丁洊升提督受恩深重宜如何申明紀律爲各營表率乃竟縱勇擾民違犯將令殊屬膽大妄爲江忠朝公正和平粹然儒者沈文肅公政書卷三

奏摺

三十八

氣象斷不致有所挾私相應請

旨將記名提督黃仁遺卽行革職勒令在營効力不准向他處投効以肅軍令而儆效尤除咨江忠朝將滋事折令之勇丁嚴拏究辦外理合會同協辦大學士兩江督臣曾國藩閩浙督臣左宗棠兵部右侍郎臣彭玉麟附片馳陳伏乞 聖鑒訓示謹奏

老湘等營疊獲勝仗摺

同治三年五月二十日

奏爲老湘等營疊獲勝仗恭摺仰祈 聖鑒事竊

臣

於五月初

八日業將各路軍情馳陳在案汪海洋陳炳文盤踞陳坊湖坊
蔓延火田畝等處五月初三日王德榜派隊放哨於童家村遇
賊接仗殺斃百餘名生擒二十四名初七夜復挑奮勇直逼賊
館施放噴筒火箭並令劉世玉劉廷選吳佑翔各帶水師馳赴
黃沙港開放大礮賊中人聲鼎沸驚惶殊甚初八日老湘營總
兵王開琳探聞陳湖兩坊踞逆於初七夜竄向上清宮康逆留
悍黨萬餘於火田畝一帶爲斷後計至開琳當派壯勇各帶旗
幟同河口汛把總楊映春文章方川率紅橋窰山團丁由楊雞

沈文肅公政書卷三

奏摺

三十九

嶺出湖坊搜剿而下約會王德榜從弋陽對岸出珠樹腦攻荷
包塘王開琳親統各營自河口拔赴脩文鋪是夜三更羅瑞山
喻勝榮王福昌丁長勝康榮詔莫坤和王德權分三路而進黑
夜喊殺該逆驚走當將港南賊館一律掃平餘匪遁入火田畝
隔岸壘卡天色向曙我軍行過汪二渡見該逆蟻聚卡內前後
左右賊館遍樹旗幟康榮詔羅瑞山方友才督隊猛撲該逆憑
卡死守施放洋礮我軍以劈山礮轟之互有傷亡各勇奮不顧
身一擁而入斃悍逆一百餘名共壘內之賊猶負固不動王開
琳揮令各營進拔濠椿賊營洋礮子如雨點我軍陣亡一十餘
名絕不少卻以火彈拋入賊壘火發賊潰立平逆壘八座該逆

竄踞山巔整隊抵禦康榮詔羅瑞山王福昌等身先士卒直前
猛擊該逆拚死拒戰各館賊並由左右抄出王開琳分兩翼迎
敵自督親兵居中策應擒斬甚夥忽右路之賊繞出黃沙港圍
裏而來適總兵龔隆貴興安圍紳蔡廷龍水師鄭光耀劉世玉
劉廷選吳佑翹從青沙灣馳至水陸夾擊賊乃大潰我軍追殺
七八里康榮詔追及寶峯該逆猶回撲數次百長凌洪江身受
重傷裹創血戰賊翻山而遁是日該軍陣亡勇丁二十二名受
傷二十一十九名斃賊二千餘名生擒三百五十餘名奪獲騾馬軍
械無算荷包塘之賊見王德榜至隔澗而陣王德榜飭蕭得龍
李運勝呂永貴等由上灘躡過睦金城鍾元興等搶過石橋王

沈文肅公政書卷三

奏摺

四十

德榜以中軍繼進極力衝殺斃賊數百名生擒四十五名奪獲
騾馬十餘匹其分踞柎子峯盛源洞者初九日竄距貴溪城十
餘里南鄉居民扶老攜幼哭聲盈路總兵孫昌國一面分飭礮
船接渡難民一面抽派水勇會同總兵戴奉聘六成旱隊及該
縣周溯賢練勇四百敗之於張家橋十一日又敗之五里亭現
在鉛山境內一律肅清惟貴溪之盛源洞等處賊尙未退除飭
在防諸軍極力掃盪外理合會同協辦大學士兩江督臣曾國
藩閩浙督臣左宗棠兵部右侍郎臣彭玉麟恭摺由驛六百里

馳陳伏乞

皇太后

皇上聖鑒訓示謹奏

沈文肅公政書卷二

奏摺

四十一

再由上清宮西竄之賊初九日前隊逼金谿之五里橋署知縣張漢督同團紳劉彝等各帶練勇分路堵截該逆退距城三十里之蔗村一帶其另股於十四日擾及楊貴林東鄉縣李興謨令團紳徐飛鵬等於是夜四鼓率勇潛赴該處分駐山均天明一擁而出齊聲喊殺該逆倉皇失措棄館而遁殺斃偽應天侯黃飛虎獲其盤金龍袍並斃餘賊數名生擒五名林正揚一股四月二十六日由甯化福村回竄石城之豐山該縣曾繼勳會同千總刁振聲擊退之陣亡兵練九名受傷十七名該逆仍踞福村偽王宗一股除與侍逆合隊外餘匪復由甯化之安遠司

沈文肅公政書卷三

奏摺

四十二

初五初六等日竄近廣昌東南邊界知縣彭芝飭巡檢胡誠志督同局紳湯和羹等於初七日赴守唐坊該逆旋由車口茱萸隘直撲該處南口我勇奮力迎擊生擒偽天安周永全偽天信周永盛暨散賊劉阿四等七名該逆遂退池源山背村中負隅不出現侍逆大股仍踞崇仁康聽等逆則在貴溪之南金瀘之北劉典以贛河盛漲兼有彭玉麟水師可恃王文瑞分紮永豐樂安西路可無他慮商同江忠朝席寶田先行圖復崇仁而檄王開琳王德榜會剿康逆聽逆探聞鮑超初六日由蕪湖周寬世初十日由祁門先後拔營兩多路阻月底方可抵江護九江鎮萬泰及都司王定國已統標兵抵省理合會同協辦大學士

兩江督臣曾國藩
浙督臣左宗棠
兵部右侍郎臣彭玉麟
附片馳陳伏乞
聖鑒訓示謹奏

沈文肅公政書卷三

奏摺

四十三

奏爲江席兩軍會剿崇仁疊獲勝仗恭摺仰祈 聖鑒事竊

臣

於五月二十日業將各路軍情馳陳在案續據報稱五月十八日席寶田由潘橋軍三山廟二十日江忠朝由長岡圩軍花橋距崇仁十餘里該縣兩城夾峙中隔小河通以黃金橋橋之北爲官城橋之南爲民城該逆分據兩城城外賊館林立聲勢甚盛二十一日昧爽江忠朝出左路從河之下游進席寶田出右路從河之上游進席軍抵潭湖伏賊突起羅章才周家樑蘇元章分投痛剿邊曉堂舒再元陳柏貴抄出賊後席寶田魏玉彩屈得茂龔繼昌踵至殺賊四五百名而左路尙未見一賊江忠

沈文肅公政書卷三

奏摺

四十四

朝知其將誘我趨援右路以伏賊襲我軍後也飭各營越嶺而進果見賊幟如林我軍槍礮齊施該逆死傷相繼屹立不動花翎遊擊雷昌年怒馬陷陣力竭陣亡各勇乘勢衝入斬黃衣騎賊一賊卻鄭喬隆鄭長來曹復勝追之沿途殲斃數百賊退過田隴忽左路村中白旗蠶擁而來黃仁遺李榮發橫出截擊洋槍如雨藍翎守備鄧在佐死之陣亡勇丁八名我勇憤極爭奮徐良燾龍萬貴捲旗斜抄賊勢不支遂與右路之賊均縮入官城其民城之賊隔河列隊搖旗喊殺陳鳴志鄧子垣徐生德邊曉堂陳柏貴舒再元等以劈山礮轟之傷斃無數亦退歸民城江忠朝席寶田收隊誘之行不二里回見民城據逆分股由黃

金橋竄入官城我軍嚴陣以待該逆果由東西北三門擁出席軍擊其西回合十餘次賊愈聚愈眾分路包抄藍翎守備黎祖魁藍翎千總朱得英中傷殞命羅章才周家樑韓孝忠裹創血戰唐本有魂玉彩蘇元章龔繼昌邊曉堂陳柏貴斜擊之西門之賊潰江軍擊其東江上喜黃仁遺江忠柏衝入賊陣盡力斫殺東門之賊亦潰徐生德鄧善企馳至北門手刃賊目侍逆死黨猶於城北抗拒並以騎賊百餘循城而西希圖抄襲兩軍悉銳擊之乃遁入城我勇追逼城根始行收隊是日江軍陣亡勇丁一十八名受傷三十四名擊斃頂天燕龔逆偽十三檢點陳逆偽將軍楊逆鄧逆並步騎賊千二三百名席軍陣亡勇丁九

沈文肅公政書卷三

奏摺

四十五

名受傷五十八名斃賊千六七百名二十四二十五等日江忠朝席寶田進紮距城四里屢挑該逆不出二十七日辰刻微雨侍逆率二萬餘眾以兩支牽制精毅營以兩支從左路猛攻精捷新左前鋒兩營王政坤黃仁遺等憑壘堅守江忠朝飭李祥松鄭喬隆江上喜徐良瓌江忠柏徐生德李榮發陳鳴志曹復勝分路迎勦席寶田飭邊曉堂陳柏貴熊應文舒再元周家樑龔繼昌蔣懷清依壘列陣自率羅章才魏玉彩屈得茂蘇元章馳援李祥松鄭喬隆衝入賊隊賊卻復前者數次江上喜鄧善富由後沙出徐士貴卷旗疾趨直搗中堅遂解新左營之圍江忠柏槍斃騎賊二名江上喜復率新左翼橫抄徐士貴匹馬衝

鋒中傷而殞各勇繼之立解前鋒營之圍徐生德李榮發與右
路之賊鏖戰逾時馬被槍傷徒步衝突適羅章才魏玉彩至督
隊猛轟賊死亡相繼勢遂披靡詎待逆復率大隊衝來蘇元章
率隊斜出席寶田督成定康屈得茂衝入大雨如注槍礮盡溼
賊恃洋槍傷我勇多名藍翎守備顏昌順葉時成藍翎守備銜
千總首成喜藍翎千總曹啟發藍翎把總馬青祥外委唐必華
文得升歐文盛死之李魁連劉德富蔣良春張達貴沈名高劉
能用王來欽歐福朝劉光才李福初唐春林劉高發陳伯鈺均
受重傷刀矛相接絕不回頭一騎賊督隊指揮蘇元章斃之羣
賊氣奪紛紛敗遁我軍乘勝猛追該逆退據附城卡內是日江

沈文肅公政書卷三

奏摺

軍受傷勇丁一百五十九名陣亡一十七名席軍陣亡勇丁七
名受傷一百九名共殺賊千三四百名奪獲龍鳳蜈蚣大旗五
十餘面除飭乘勝進攻速復城池外查徐士貴青陽解圍案內
擬保遊擊克復新城弋陽計功應保副將葉時成首成喜青陽
解圍案內均擬保都司克復金谿新城計功均應保遊擊仰懇
天恩敕部將徐士貴照副將葉時成首成喜照遊擊各陣亡例
議卹花翎遊擊雷昌年藍翎守備黎祖魁鄧在佐顏昌順藍翎
千總朱得英曹啟發藍翎把總馬青祥外委唐必華文得升歐
文盛並懇 敕部從優議卹以慰忠魂理合會同協辦大學士

兩江督臣曾國藩閩浙督臣左宗棠兵部右侍郎臣彭玉麟恭

摺由驛六百里馳陳伏乞

皇太后

皇上聖鑒訓示謹奏

沈文肅公政書卷三

奏摺

四十七

再臣承准議政王軍機大臣字寄同治三年五月十二日奉

上諭惲世臨奏江西贛東廣撫建三郡已被賊闌入無險可扼獨贛江尚可憑河設守力保贛西七郡惲世臨前飭王文瑞劉典兩軍分防該處現經沈葆楨將劉典調赴省城恐賊乘虛竄渡收拾愈難請仍令劉典扼守臨江與王文瑞及水師聯絡布置所籌不爲無見惟贛江以東賊氛甚熾省城防範不可稍鬆沈葆楨將劉典一軍調回自係爲回顧根本起見但贛江一帶防兵單薄應否添派勁兵駐紮仍著沈葆楨酌量調派劉典抵省後卽當視賊所向帶兵迎剿不得株守省垣等因欽此查臣

沈文肅公政書卷三

奏摺

四十八

前調劉典晉省原以江右兵力聚於南豐侍康聽等逆夾信河兩岸而下臣撫可建亦可徑襲省門劉典本左宗棠援江之師

臣接左宗棠來函以劉典勇僅三千且新集之卒難以獨當一面須在章門訓練俟調合舊部乃可進剿適值章門空虛故促其東行期於兩得而侍逆已從撫建中閒偷渡橫竄崇宜劉典過臨江爲官民所留遂駐兵臨郡臣改調萬泰來省合計額兵

餘丁三千餘人僅敷守揀守門及月城礮臺之用此外主客各

勇皆飭赴前敵不敢存擁兵自衛之意然因根本重地守備單

薄臣未便出省督戰軍情瞬息萬變往返數百里請示必誤機

宜諸將老於戎行較臣多所閱歷故一切進止常令就近察看

情形會商而行未敢動輒遙制現在劉典進紮樂安之弓背墟王文瑞進紮樂安之太平墟皆逼近崇仁已在贛河之東二百餘里劉典王文瑞非不知悍逆數十萬進戰甚危臨江吉安有城分守甚易然坐視民之焚溺心既有所不忍欲長爲畫江固守之計勢亦有所不能何者贛江之長幾及千里沿岸控扼無此兵力春夏盛漲水師可用入秋水落處處淺灘而贛江不足恃矣且信撫均有河道該逆繞越上游卽策馬可渡南贛所屬大略相同春夏所可恃者亦僅吉臨以下耳且江席兩軍逼城而營侍逆以兩次受創嗾悍黨十餘萬希圖一逞尙恃劉典王文瑞遙爲聲援若令回紮吉臨大局立卽決裂其餘前敵各營

沈文肅公政書卷三

奏摺

四十九

均難調赴散地主容兵餉毫無所出贛江以西除各郡縣截留地丁募勇守城輔以團練外實難再行添募勁旅前者劉典請咨調醴陵各營進紮袁臨之閒惴世臨以防兵單薄爲辭可知時勢各有所難臣之不能使劉典王文瑞舍前敵而專顧楚南門戶猶惴世臨不能抽醴陵之戍以兼顧袁臨也江右將領籍隸楚南者十蓋八九斷無樂於驅賊入湘之理日內提督鮑超亦繞赴瑞臨進規崇仁以取迎頭之勢目前贛西似可無慮賊情叵測非臣之愚所能豫知其甫棄舊巢人人皆以流寇目之故賊所至之地或斂兵以待其自去賊所未至之地咸備端有以鄰爲壑之虞惟左宗棠貽臣書曰假令金陵速克或別是

一局否則必以西江爲窟穴與金陵相首尾等語今合前後賊勢觀之賊之受創八閩也充斥汀州所屬閩地險瘡非所樂居然由汀而潮咫尺耳卽由汀而贛以達桂陽桂東亦復不遠且可直下吉臨潮贛均無重兵乃該逆兩股觀望徘徊仍先後回竄江右侍逆力攻撫建不下橫竄崇宜此時新淦樂安均未有兵儘可直逼贛江乃該逆不過崇宜一步現在東西兩路大有窺長圍以困撫建之勢知左宗棠料敵之審迥異尋常也撫建雖危城幸存四鄉蹂躪不堪言狀來省乞援者文武則羽書雪片紳民則環訴與前臣愧恨之餘批答筆不能下斷無因其已破闌入視同破甑置之不顧之理惟有恪遵

沈文肅公政書卷三

奏摺

五十

諭旨激勵諸將視賊所向帶兵迎勦不得株守以期稍慰宸
庶理合附片覆陳伏乞 聖鑒訓示謹奏

再上清宮之賊大股竄入金谿黃通山自附城各鄉打館至於許灣又分股從瀘溪繞至新城界上劉于潯派師船扼紮許灣五月二十夜施從善挑奮勇百人去蕭公廟潛劫賊營施從善大呼搶入縱火焚燒破其一壘餘壘之賊悉遁河水消退師船駛回撫州二十一日金谿紳士赴繼果營請援二十二子刻王沐出隊千六百人黎明行距許灣四五里之斜頭丁姓詎康逆擁二萬餘衆乘夜分伏各村我軍猛進遂入伏中該逆竄擁而至分路猛撲王沐揮令將士連轟槍礮該逆愈聚衆打開一層又裏一層花翎參將劉志友花翎遊擊銜都司方桂蘭藍翎

沈文肅公政書卷三

奏摺

五十一

守備尹秀南補用守備劉長勝千總邱喜柏沈發堂把總黃國順趙清賢萬桂齋吳禮發潘玉成外委孟得勝鍾細帆王桂林何得勝李萬勝馮雲輝張得標陳得勝楊宗發龍茂勝劉楨祥等拚死決鬪殺出重圍中傷殞命各勇乘勢衝出且戰且退斬騎賊十餘步賊百餘至下馬山劉于潯派熊得勝等馳至合力抵禦復斃先鋒悍賊數名賊乃退是日繼果營勇丁陣亡八十七名受傷七十四名二十九日河水盛漲劉于潯親督師船擊之於許灣斃賊無算奪船十數號斃水逃命者淹死尤衆其僞王宗李逆餘黨盤踞廣昌之池源山五月十一日巡檢胡誠志把總陳朝聘擊之轟斃賊目二名該逆頭隊十二日竄蔴溪十

三日知縣彭芝同都司于宣敗之胡誠志又敗之於池源擒賊
目陳已善等斬之林正揚一股踞甯化之福村十五日石城縣
曾繼勳乘夜攻之斬馘七名生擒一名奪大旗三面陣亡團勇
七名受傷十一名該逆遂相率下竄與南豐賊合侍逆以崇仁
圍急喉南豐宜黃悍逆由上頓渡過河而東聲言攻撫州以斷
江席兩軍糧道劉于潯派隊馳至過河之賊已數百名浮橋將
成矣總兵胡占魁副將施從善許成化都司熊得勝奮勇衝殺
賊驚潰斬斃溺斃無算僞順天幅黃光明猶率悍黨力拒胡占
魁親擒之並捉悍逆十三名救出難民七八百名該逆仍踞河
西金谿之賊復分踞東鄉各村王德榜現紮安仁之鄧埠王開
琳由弋陽西下周寬世本月初一日由省拔赴進賢約期會剿
伏查統領繼果營道員王沐中伏失利咎無可辭惟賊勢浩大
擁兵觀望者易於藉口該道尙稱敢戰此次蹉跌實衆寡不敵
所致相應仰懇

沈文肅公政書卷三

奏摺

五十二

天恩逾格准予寬免處分以觀後效所有陣亡之花翎參將劉
志友花翎遊擊銜都司方桂蘭藍翎守備尹秀南補用守備劉
長勝千總邱喜柏沈發堂把總黃國順趙清賢萬桂齋吳禮發
潘玉成外委孟得勝鍾細帆王桂林何得勝李萬勝馮雲輝張
得標楊宗發陳得勝龍茂勝劉楨祥力戰捐軀殊堪憫惻應請
敕部從優議卹以慰忠魂理合會同協辦大學士兩江督臣會

國藩閩浙督臣左宗棠兵部右侍郎臣彭玉麟附片馳陳伏乞
聖鑒訓示謹奏

沈文肅公政書卷二

奏摺

五十三



國藩閩浙督臣左宗棠兵部右侍郎臣彭玉麟附片馳陳伏乞
聖鑒訓示謹奏

再^臣承准議政王軍機大臣字寄同治三年五月初十日奉

上諭官軍圍攻南豐追至城下守備楊明發等奮門而入攀堞而登均經中槍殞命該縣城池未能卽復是否後隊不克繼進以致未能得手等因欽此當經飭查去後茲據席寶田稟稱南豐城堅賊衆三月二十六四月初五等日會合各軍猛戰之後乘勢合圍賊已坐困詎後股踵至渡過信河席寶田因建昌緊急四月初七日移紮百花亭當以韓營勢孤恐賊來犯初八日寅刻派隊馳伏韓營之左辰刻賊果傾巢而來兩軍齊起殺賊賊潰韓軍由右路該營由左路如牆而進直逼城根楊明發等

沈文肅公政書卷二

奏稿

五十四

中槍殞命各勇猶奮不顧身盡力轟擊城上槍礮如雨又被傷亡數十人阻不能進以致未能得手並非後隊不繼惟身膺統領受任無功請從嚴參辦以勵諸將等情^臣查南豐之圍席寶田爲各營領袖未能出奇制勝速復城池不無應得之咎相應請

旨將該臬司暫行革職責令立功自贖至^臣濫竊疆寄調度乖

舛致撫建各屬生靈慘遭塗炭上累宸廑厥咎九重相應請

旨將^臣從重治罪以昭炯戒謹附片馳陳伏乞聖鑒訓示不

勝惶悚待命之至謹奏

水陸各軍掃清貴溪地面賊壘摺

同日

奏爲水陸各軍掃清貴溪地面賊壘恭摺仰祈 聖鑒事竊貴溪盛源洞等處之賊分踞小港一帶築壘修卡圖困孤城五月十二夜孫昌國飭礮船駛赴黃土墩並派水勇會同戴奉聘早隊及貴溪縣周溯賢練勇渡河前進乘夜鳴號放礮該逆倉皇失措頭隊卽竄向上清宮其張家橋嚴魚橋踞逆亦各駭散暗中猝遇自相殘殺不少十三夜孫昌國派隊數十復赴黃土墩燃更香數百枝於山谷間該逆以爲我軍復出是路也整隊對香火猛施槍礮水陸各勇已由上坊渡過河至陳家嶺仙人橋聞黃土墩一帶礮聲遂乘虛撲卡而入擒斬甚多黃土墩之賊

沈文肅公政書卷二

奏摺

五十五

亦潰十八日孫昌國親督礮船由小港駛抵坡岡遇賊開礮轟擊賊匿不出適陸師由石前桂榜山沖至會合搜殺賊退丁家橋二十日盛源洞之賊因官軍連日攻擊又聞王德榜全軍由弋陽拔下在於樟槎袁家壩趕造浮橋孫昌國戴奉聘及貴溪縣典史黃啟元當卽各統所部分路而進斬賊屍隊數百人賊退鷹潭二十一日孫昌國又赴鷹潭擊之賊退羅田岡上及鄧家埠等處王德榜進紮安仁二十二日令戴奉聘駐鷹潭出六成隊約會孫昌國以水勇登陸助之一面飭肅得龍呂永貴攻羅田李運勝黎榮鈞何秀清攻岡上鍾元興李運龍搜殺各村館賊該逆彼此不能相顧戴奉聘孫昌國適從白鷺港猛攻直

前各營乘勢掩殺斃賊四百餘名戴奉聘等遂軍於楊四池王德榜於是夜四鼓親統各營三成隊並胡傳釗鍾世祉馬隊由安仁南渡孫昌國亦駛赴鄧家埠小河以備攔截二十三日昧爽陸師齊隊於楊四池王德榜令王德權蕭得龍呂永貴戴奉聘李運勝何秀清鍾元興分三路進剿王德榜督同胡傳釗等居中策應並以安仁團勇百四十名嚮導詎鄧家埠踞逆先於二十二夜搭造浮橋陸續奔竄見我軍至紛紛搶渡橋忽漂散淹斃無數未渡之賊經王德權蕭得龍等三面環攻及孫昌國水師轟擊共斃五百餘名解散尤夥貴溪賊壘一律肅清除戴奉聘所部應由左宗棠查明請獎外所有尤爲出力之提督銜

沈文肅公政書卷二

奏摺

五十六

記名總兵孫昌國可否 交軍機處記名遇有提督缺出請

旨簡放現報丁憂之本任貴溪縣新授吉安府知府周瀚賢可否俟服闋後以道員仍歸江西補用花翎道銜江西儘先補用知府王德權可否以道員仍留江西儘先補用其餘出力員弁勇丁可否容臣擇尤彙案請獎出自 逾格鴻施理合會同協辦大學士兩江督臣曾國藩閩浙督臣左宗棠兵部右侍郎臣彭玉麟恭摺馳陳伏乞

皇太后

皇上聖鑒訓示謹奏

奏爲克勇會合精毅祥字等軍擊賊疊勝恭摺馳陳仰祈 聖鑒事竊據報稱僞老王宗李元茂糾合南豐股逆下竄盤據鐵子嶺一帶爲崇逆聲援初四日擾及蓮塘去弓背墟軍營八里劉典擊之退夏坊袁家山初六日劉典令劉勝祥等攻袁家山劉大謨等攻夏坊自率陳鴻藻等防鐵子嶺共斃賊三百餘名生擒四十餘名並斃其瑗天燕趙志篤其分據羅陂者初六日圖犯席營席寶田掩殺二百餘名生擒十三名初七日昧爽劉典督劉勝祥等三路並進行抵馬坪該逆萬餘由李村擁至我軍猛施槍礮鏖戰逾時賊斃水遁我軍乘勝追殺賊由鐵子嶺

沈文肅公政書卷三

奏摺

五十七

抄來郭立本擊卻之殺斃溺斃共五百餘名解散千餘名奪獲騾馬二十餘匹當將李村賊館掃平據生擒賊供該逆議於初十日來撲弓背墟營壘劉典約席寶田夾擊是日席軍至而賊不果來遂會議進剿十一日劉典出桃嶺抵袁家山該逆列陣以待劉敬廷首先衝陣該逆死拒分股從右路抄出劉大謨鍾九如楊懷瑾余佑民余濃升劉倬雲擊敗右路乘勢直前破其重卡賊遁追殺及河水爲之赤下竄一股經陳鴻藻魯傑山文首南戴雲輝等截殺無一脫者正在斂隊張坊之賊隔河列陣搖旗喊殺李光瑩郭立本鄒長發袁鳴盛杜雲驤楊開甲唐少溪以劈山礮轟之斃龍旗賊目一羣賊二百餘名賊乃遁席寶

田出鐵子嶺之左賊據嶺而陳陳柏貴屈得茂斃賊數十於山腰賊少卻席寶田令親兵從嶺側卷旗而上陳柏貴等督隊猛進賊敗據嶺後時邊曉堂唐本有襲據嶺右山岡悍賊數千突從山背來犯我軍擊卻之邊曉堂乘勝下撲其館唐本有率中軍橫過鐵子嶺後賊驚潰陳柏貴屈得茂跟蹤緊追蘇元章蔣懷清率隊抄出王學開唐湘輝裹創力戰前後夾擊殺賊甚夥劉勝祥出鐵子嶺之右甫抵嶺下賊分股迎敵劉勝祥令鄒興發劉承汲繞其左張集雲江宗良姜秀瀾居中拒戰自統蔣大周張世俊吳世修楊夢龍出右路橫擊並分隊環列山頭四面策應布置甫定賊卽向前猛撲劉勝祥督同張集雲蔣大周等

沈文肅公政書卷三

奏摺

五十八

猛施槍礮賊恃洋槍盡力轟擊鄒興發劉承汲馳至賊館縱火焚燒賊見火起乃遁劉勝祥追之及河而復是日克勇陣亡九名受傷四十八名斃賊千餘名席軍受傷勇丁十八名斃賊千餘名生擒八十餘名祥營受傷勇丁三名斃賊四百餘名生擒十餘名鐵子嶺一帶賊館一律肅清除移飭相機剿辦外理合會同協辦大學士兩江督臣曾國藩閩浙督臣左宗棠兵部右侍郎臣彭玉麟恭摺馳陳伏乞

皇太后

皇上聖鑒訓示謹奏

再探聞金谿東鄉城池業經被擾初一日王德榜由馬岡嶺渡
河行抵梅坑橋遇賊數百擒斬過半追至河坊館賊驚惶出走
沿途掃蕩共平逆館十二處殺賊四百餘名生擒偽天燕黃正
魁等初十日周寬世由進賢移紮將軍嶺十二日午後派隊赴
東鄉城邊探看地勢四山賊旗突出周寬世分三路迎敵賊卻
城賊復傾巢出戰周寬世奮擊退之詎該逆從斜谷衝出一股
攻撲營壘周寬世督勇回援各營見周寬世至開門夾擊賊退
入營甫定復悉銳來犯我軍憑壘堅守該逆徹夜環攻昧爽周
寬世乘其懈擊之賊遂潰散追殺數里斃賊三百餘名勇丁陣

沈文肅公政書卷三

奏摺

五十九

亡三十餘名受傷一百餘名其臨崇交界上頓渡之賊憑河築
壘胡占魁施從善與之堅持初四夜劉千潯添派水陸哨隊暨
撫防練勇助之並約會王沐普承忠馳往接應初五日陸師抵
上頓渡該逆列隊河干張金榜奮勇前驅王沐普承忠吳邦樞
揭鴻升熊克勝熊得勝郭子奇分路猛進賊縮入壘專以洋槍
抵禦我軍亦分伏民房穴牆放礮斃賊百餘名張金耀以飛炮
繞撲賊壘賊潛從下游涉淺逼奪划船許成化派隊槍護張金
耀飛槳而上會合轟擊賊計阻而遁上頓渡一帶肅清初七夜
王沐聞許灣踞逆謀將渡河督隊伏於木瓜橋五鼓乘其半渡
擊之賊遁初十夜探該逆仍圖過許灣槍割田禾劉千潯令蔡

康業萬立松率師船上駛胡占魁施從善等沿河迎擊王沐普
承忠亦陣於千金陂對岸十一日黎明蔡康業等抵流坊遇賊
各發巨礮環轟該逆不支乃以另股繞赴河東灣圖犯文昌橋
劉干溥令黃名揚王耀亮回援斃頭旗悍賊數名乃退現王開
琳王德榜已移駐七星橋與周寬世合圖東鄉俟東鄉克後卽
乘勝規復金谿除飭局查明金谿東鄉被擾情形並文武下落
外理合會同協辦大學士兩江督臣曾國藩閩浙督臣左宗棠
兵部右侍郎臣彭玉麟附片馳陳伏乞 聖鑒訓示謹奏

沈文肅公政書卷三

奏摺

六十

奏爲江席兩軍力攻崇仁血戰疊勝恭摺仰祈 聖鑒事竊

沈葆楨於六月初八日業將各路軍情馳陳在案續據報稱侍逆盤踞崇仁五月初一等日挑之不出初二夜賊於附城偷築六壘初三日江忠朝席寶田攻之賊憑壘死守城逆以大股循河而下希圖抄襲江忠朝抽隊截擊賊退民城初四日江忠朝席寶田復攻其壘熊應文舒再元策馬直前各營繼進正在猛撲城賊分門抄出江軍擊其左徐良垸鄭長來直擣中堅賊施洋槍子如雨點鄭長來裹創血戰徐生德江忠珀率隊抄之前股賊敗後股接戰陳鳴志鄧善居鄭喬隆與之回合

沈文肅公政書卷三

奏摺

六十一

十餘次賊不少卻鄭喬隆怒馬刀悍賊數名左足被創黃仁還王高來曹復勝衝入賊陣江忠朝飭鄧子垣徐生德分路繞擊後股之賊亦敗另股由河干潛出李祥松馳往截擊坐馬中槍徒步衝突賊不得前王政坤鄧善富率兩營助之賊分枝相拒鄧在倫李榮發督隊橫抄河干賊潰而前股賊又復回戰我軍合力蹙之所殺不可勝計騎賊二百餘拚死來援王高來劉長珀譚茂高夏春實陳先昭江凱旋戴學義楊觀寶均中槍傷江忠朝督鄧善燮李昌連江忠倬以劈山礮轟之斃十餘騎左路之賊遂縮入城席軍擊其右蔣懷清陳柏貴首先陷陣盡力斫殺翼繼昌蘇元章張兩翼繼進賊退據高阜我軍襲其後賊

屍山積遂棄高阜退阻泥港而陳我軍據高阜對施槍礮相去僅二三十步閒以矢石忽侍逆大股向熊應文猛撲熊應文唐本有力戰卻之席寶田督親兵轟劈山礮視僞侍府賊旗所向擊之斃一賊復一賊拳旗死拒有一旗更至數十賊者羅章才設伏以待屈得茂誘令深入伏兵突起殪其前鋒時城中又出悍黨數千蔣懷清陳柏貴龔繼昌蘇元章屈得茂分隊截擊殺賊數百何東山呂光榮蔣桂元力戰死之郭時早劉庚煥蔣建勝均受重傷向國琛王貴德率槍隊繞出賊後奮勇齊轟賊驚潰熊應文唐本有向前猛擊邊曉堂周家樑魏玉彩抄偪城根右路之賊亦縮入城是日江軍陣亡勇丁十一名受傷者一百

沈文肅公政書卷三

奏摺

六十二

一十名席軍陣亡勇丁十九名受傷四百餘名共斃賊四千餘名據生擒賊供侍逆右臂受傷所斃賊目不少初七日昧爽江忠朝分令各營進取賊壘圍攻逾時城賊復分出應援江忠朝督黃仁遺徐生德鄧善居牽制壘賊而令徐良垓江忠珀陳鳴志曹復勝擊右路王政坤江上喜李祥松鄧子垣擊左路徐良垓江忠珀卷旗疾趨曹復勝等繼之賊屹立不動王政坤江上喜陳於高阜鄧子垣李祥松分伏伺之該逆以前隊拒戰分股由後包抄李祥松等突起迎擊賊少卻江忠朝當飭李榮發徐生德分設應援李榮發怒馬馳至斬執旗賊一與王政坤等併力掃蕩左路之賊潰徐生德馳赴右路攔腰截殺江忠珀等乘

勢衝突右路之賊亦潰時壘賊潛從壘後斜出江忠朝督黃仁
遣江忠倬鄧善居擊之不得與城賊合詎右路復出大股糾集
敗賊分路來犯適席寶田派邊曉堂龔繼昌周家樑陳柏貴熊
應文屈得茂魏玉彩羅章才蘇元章蔣懷清舒再元等馳至兩
軍合剿賊乃大敗追至城下始行收隊是日江軍陣亡勇丁八
名受傷哨官徐士林唐占彪徐士安三名勇丁七十一名斃賊
二千餘名除飭乘勝進攻速復城池外所有陣亡之藍翎把總
何東山呂光榮藍翎外委蔣桂元相應仰懇

天恩敕部從優議卹以慰忠魂理合會同協辦大學士兩江督
臣曾國藩閩浙督臣左宗棠兵部右侍郎臣彭玉麟恭摺由驛

沈文肅公政書卷三

奏摺

六十三

六百里馳奏伏乞

皇太后

皇上聖鑒訓示謹奏

官軍會剿崇仁掃平賊壘摺

同治三年七月初五日

奏爲官軍會剿崇仁掃平賊壘恭摺仰祈 聖鑒事竊 臣 於六月二十一日業將各路軍情會摺馳陳在案續據報稱六月十二夜崇仁股逆繞由左港過河圖襲精捷營軍後江忠朝飭徐生德等乘夜馳往黎明掩入各村併力搜殺逼之於河槍斃溺斃數百名援賊麇集對岸徐生德以馬隊陳高阜步隊伏林中午後騎賊涉淺而渡餘賊搶近河干何應祺等礮斃騎賊並俘會數十名賊退十六日城中出數萬賊來犯江忠朝席寶田各派六成隊擊之麇戰竟日斃賊千七百餘名是夜賊於城外添築七壘十七日江忠朝席寶田督隊進攻賊陳嶺上轟礮抵拒

沈文肅公政書卷三

奏摺

六十四

江軍擊其左鄧善燮斬大旗賊乘勢衝上鄧善富江上喜李榮發王政坤領隊飛登奪據其嶺蕭高發田榮顯鄧新維徐士蛟溫克裕郭昌武陳明勤裹創血戰鄧子垣等分路猛撲賊於嶺下回拒黃仁遣等環擲火彈燒斃無算左路之賊潰席軍擊其右羅章才等擒斬悍酋並餘賊三百餘名唐本有陳柏貴橫出夾擊賊梟水遁我軍追之賊以另股抄襲我後唐本有等分投迎擊席寶田以親兵助之賊敗侍逆復集悍黨來戰羅章才王學開彭英華向國義陶梧華蕭元陞張正祥易光輝賴克升蔣元魁劉得護均受重傷李發祥卿忠林死之席寶田調集勝山礮左右環攻韓老忠怒馬陷陣縱橫盡決右路之賊亦

潰江軍勇丁陣亡九名受傷六十九名席軍勇丁陣亡八名受傷一百六十餘名共斃賊二千餘名生擒二十七名解散千餘名是晚探聞該逆繞竄潘橋秀才埠一帶劉典以江席兩軍後路堪虞派文首南戴雲輝陳鴻藻劉勝祥由公坡馳赴席營協剿十八日城逆傾巢而出攻撲席軍前鋒營花籬木椿頃刻拔盡陶正玉等憑壘堅守以劈山礮擡槍小槍連環轟擊該逆前隊傷亡後股繼進龔繼昌周家樑從左右山坡飛馬馳至將賊衝爲數段陶正玉等開門出戰賊退對面山岡席寶田督同劉勝祥陳鴻藻等分路齊進賊首尾不能相顧奪路狂奔方賊之犯右路也江忠朝知賊必伏左路乘間襲我飭各營嚴防遙爲

席軍聲援部勒甫定賊果突起鄧子垣等擊敗之擒斬無數是日席軍受傷哨官童有春唐三友胡交春朱明登舒培發五名陣亡勇丁三名受傷五十七名江忠朝於是夜四鼓傳令各營襲攻賊壘並約會席寶田率隊夾擊鼓角一聲左路黃仁遣鄧善燮撲過賊濠斬關而入江忠珀等繼之遇賊卽斫立將賊壘三座踏平各路伏兵爭出賊翻山而走我軍乘勢破賊卡十餘處天色向曙城賊又出萬餘由西門抄至我軍據嶺而陳賊趨繞嶺側張安南曹仕廷力戰死之王高來劉能用陳志美劉賢季李宏恭楊官寶楊通接何得貴李德華傅求盛朱榮首王全福陳周達中槍猶奮力衝殺李祥松徐生德徐良瑛連環轟礮

擊中僞王宗李元茂左肩餘賊應聲而仆賊乃敗退右路魏玉彩龔繼昌匹馬當先進逼賊壘賊施洋槍死拒劉勝祥蘇元章屈得茂唐本有冒煙衝入立平四壘忽馬步賊數千從林閒突出唐本有熊應文斜刺而入文首南陳鴻藻邊曉堂陳柏貴劉建業督隊繼進賊勢披靡劉勝祥徑搗附城賊壘魏玉彩屈得茂龔繼昌蘇元章周家樑席啟星韓孝忠助之併力環攻賊負牆拒戰正在相持侍逆復率悍黨數千來援張宜敏何啟山劉其華力戰陣亡唐本有等分軍縱擊侍逆乃退是日江軍勇丁陣亡二十名受傷二百二十名席軍勇丁陣亡四名受傷六十二名祥營勇丁受傷四十餘名共斃賊二千餘名生擒十餘名

沈文肅公政書卷三

奏摺

六十六

除飭乘勝進攻外所有陣亡藍翎都司何啟山藍翎守備張宜敏藍翎千總張安南藍翎把總李發祥藍翎外委曹仕廷外委卿忠林劉其華相應仰懇

天恩敕部從優議卹以慰忠魂理合會同協辦大學士兩江督臣曾國藩閩浙督臣左宗棠兵部右侍郎臣彭玉麟恭摺由驛六百里馳奏伏乞

皇太后

皇上聖鑒訓示再此摺由臣沈葆楨主稿合併陳明謹奏

再鮑超於六月十七日由豐城拔赴橋東適花旗股匪從南豐
開道來援崇仁繞犯秀才埠鮑超擊之擒斬數百名賊遁歸崇
仁王開琳王德榜均於二十一日移駐老虎岡距東鄉城十里
甫經築壘城賊卽繞出左右山背另以馬步千餘出中路挑戰
王開琳督親兵禦之相持竟日賊乃退傍晚山背之賊忽鼓譟
出負攜牌數百面撲營王福昌莫坤和丁長勝環轟槍礮斃賊
二百餘名賊拚死衝入營門丁長勝身中矛傷督令士卒極力
痛殺賊卻復前者數次夜半猶四面環攻王開琳令康榮詔龔
隆貴領槍隊馳往羅瑞山喻勝榮方友才抄出賊後王福昌莫

沈文肅公政書卷三

奏摺

六十七

坤和丁長勝乘勢殺出賊棄攜牌而遁我軍追殺里許復斃賊
二百餘名王德榜探知賊至飭哈必發王松泉張金榜伏於蕭
得龍戴奉聘黎榮鈞等營之前並令李運勝以奮勇三百人由
何村斜刺而入部勒甫定賊從蕭得龍等壘後繞出哈必發突
起擊之賊敗掩殺二百餘名生擒九名李運勝抄至城根途遇
敗賊斬馘尤夥老湘營勇丁陣亡二名受傷二十一名金谿踞
逆擾及南城北鄉大路游一帶十七日韓進春令董德春等帶
隊進剿賊聞風先遁是晚董德春等軍於界山青麻探聞偽朝
將黃逆率黨數千復由大路游竄近曾家李家等村董德春四

更出隊三面圍攻賊驚潰追殺百餘名生擒六名勇丁受傷二

名探聞康逆聚悍黨於許灣爲崇仁聲援檄鮑超由撫州先
勦許灣調王沐移紮崇仁豐城之交以固江席兩軍後路理合
會同協辦大學士兩江督臣曾國藩閩浙督臣左宗棠兵部右
侍郎臣彭玉麟附片馳陳伏乞 聖鑒訓示謹奏

沈文肅公政書卷三

奏摺

再 旨 沈葆楨欽奉

上諭沈葆楨奏請將驕妄之記名提督革職留營等語記名提督黃仁遺徇庇滋事勇丁屢次違犯將令且於謁見江忠朝時肆行謾罵不顧而去實屬膽大妄爲姑念該提督平日臨陣尙屬奮勇著從寬卽行革職仍勒令在江忠朝軍營効力以觀後效其滋事勇丁仍著嚴拏懲辦以肅軍律等因欽此欽遵轉行去後茲准江忠朝咨稱折斷令箭之勇丁伍太勝攜帶婦女之李大旗均經黃仁遺拏獲正法在臨川縣強保遊勇之王必魁亦經黃仁遺革伍割耳遊營示衆黃仁遺被參之後深知愧悔

沈文肅公政書卷三

奏摺

六十九

束勇整隊均極認真此次逼城而軍身當前敵衝鋒陷陣所向披靡並無怨望情事請予覆奏前來 旨 覆查無異理合會同協辦大學士兩江督臣曾國藩閩浙督臣左宗棠兵部右侍郎臣彭玉麟附片馳陳伏乞 聖鑒訓示謹奏

奏爲籌防東路情形恭摺仰祈 聖鑒事竊江省自撫建各屬疊遭蹂躪各軍累月血戰苦與相持值金陵大功告成甚慮湖州塔輔各酋無可返顧勢將接踵而至江省應接不暇大局幾不堪設想幸提臣鮑超許灣一戰摧強寇十數萬軍威大振羣逆膽寒各城因而次第克復又經鮑超收降陳炳文六七萬衆

臣金谿南豐新城賊欲頓衰乃相率西遁當時湖州尙未蠢動自應席全勝之勢期於殲盡以免貽患鄰封是以 臣楊岳斌親督各軍極力跟追並飭江忠朝王文瑞等繞赴上游以杜其竄楚竄粵之路嗣聞浙督臣左宗棠以湖州賊勢日蹙調回王

沈文肅公政書卷三

奏摺

七十

開琳一軍紮開化之馬金王德榜一軍紮婺源之江灣以備兜擊 臣沈葆楨旋據各路探報湖州於七月二十六日克復乃商請鮑超暫駐建昌從緩西行飛咨 臣楊岳斌妥籌兼顧繼准左宗棠咨已嚴飭各軍分路追勦務將此股肅清惟賊悍且多隘口林立廣饒防兵單薄大屬可慮 臣沈葆楨飛調席寶田韓進春由南豐馳赴安仁視賊所向合力迎勦並飭劉子浚將駐防豐城之戰船扼守昌江平江水師駛回廣信以收夾擊之效乃發劄後疊據席寶田韓進春稟報已拔隊西馳能否折而東趨自應由 臣楊岳斌察看西路情形酌量辦理且續據探報賊已棄廣德越甯國分道並進各軍往返千里終慮緩不濟急茲准

鮑超函開擬由撫州至東鄉探明賊蹤進剿復准劉典咨開已
於八月初五日由甯都拔營前赴婺源得此兩軍東路可恃無
恐除飛催幫辦臣劉典提臣鮑超迅速前進相機迎剿外謹將
籌防東路情形會同協辦大學士兩江督臣曾國藩閩浙督臣
左宗棠兵部右侍郎臣彭玉麟恭摺由驛六百里馳奏伏乞
皇太后

皇上聖鑒訓示謹奏

沈文肅公政書卷三

奏摺

七十一

奏爲信防軍情喫緊現籌進剿情形恭摺仰祈 聖鑒事竊

臣等於本月十三日業將籌防東路情形會摺馳陳在案提臣鮑超本擬由東鄉前進嗣聞該逆爲徽軍所擊遁滄安境上復爲浙軍所擊又折入徽鮑超慮饒景兵單且天氣漸寒軍士思晉省製備衣履鮑超適亦感冒遂來省就醫擬由省門以出饒景茲據報稱該逆已從開化之華埠闖入江境二十二日至徐村喬村距玉山縣城僅三四十里鮑超以該逆仍循侍逆康逆故道入江必由撫建而西句結前股蔓延爲患若不及早撲滅不特西江糜爛卽東南大局深恐復形決裂因定於本月二十九

沈文肅公政書卷三

奏摺

七十二

日力疾啟行出貴溪金谿之間確探賊蹤迎頭兜擊劉典由撫州來省與臣沈葆楨商議一切先於本月二十四日起程其所部士卒逕由東鄉進發已抵貴溪現在信郡及玉廣兩城均有守兵尙可自固再得鮑超劉典兩軍趕到冀得合力殲盡土慰宸廑除再確探情形續行具奏外謹會同協辦大學士兩江督臣曾國藩閩浙督臣左宗棠兵部右侍郎臣彭玉麟恭摺由驛六百里馳奏伏乞

皇太后

皇上聖鑒訓示謹奏

奏爲東路主客各軍窮追痛勦廣信地面一律肅清恭摺仰祈
聖鑒事竊臣於八月二十七日業將信防喫緊情形會摺馳陳
在案續據報稱賊踞玉山之喬村徐村等處綿亙數十里二十
三日黎明林珠督清勇陳開楚等督仁右營齊抵喬村殺賊百
餘名乘勝衝至徐村礮斃偽禮王生擒偽天將鄭得志賊由賁
口渡河而遁我軍躡蹤緊追淹斃殺斃無算至童子嶺賊忽回
顧陳開楚林珠等急擊之偽丞相馬勝祥方七耳以五百餘人
降餘賊竄太平橋繞江山界以出廣豐是日仁右營勇丁受傷
十三名共擒長髮二十餘名解散難民三百餘名二十四日辰

沈文肅公政書卷三

奏摺

七十三

刻顧雲彩親統仁右營會林珠擊賊於廣豐之施村斃黃馬褂
賊目一羣賊百餘賊陣仍屹立不動曾光榮吳有愛何明德怒
馬陷陣均中槍傷何明德登時殞命顧文福陳開楚伍必煥各
以精銳抄出其後賊乃大潰是日仁右營勇丁陣亡二十五名
受傷七十七名清勇及玉山縣親兵受傷四名共斃賊千餘名
生擒二百餘名救出難民數百名二十五日寅刻顧雲彩追至
六都賊望旗而潰沿途砍殺賊屍枕藉至五都逼諸河截其尾
隊悉數斬之張岳齡探聞賊至玉山派李佑厚扼大南橋賊繞
由施村排山竄縣東之杉溪張岳齡督七成隊以興字營弁勇
謝榮勝等嚮導分路前進二十五日卯刻單綏福行近杉溪該

迨正由浮橋過河單綏福開礮轟擊都司吳得意張斐文怒馬
衝入裏創血戰賊卻突出花旗百餘騎拚死搏鬪敗賊因復回
撲我軍以劈山礮環擊逾時蕭賞謙從街後抄來黃儲寶從河
邊截出斫斃溥天侯賴德元並賊目多名單綏福領隊猛進縱
橫盪決賊大亂李佑厚乘之有數十騎擁一逆酋奪路狂奔李
佑厚令槍礮隊曰視吾洋槍所向同時並發逆酋及其親騎人
馬俱斃檢屍旁黃包袱得其黃緞繡龍袍韓風帽全套並偽印
二顆一刊御賜統領南方主帥一刊昭王黃文英各字樣羣賊
驚惶失措紛紛投水其沿河下竄者經單綏福蕭賞謙兩岸圍
殲無一得脫張岳齡乘勝馳赴五都二十三都一帶沿途追殺

沈文肅公政書卷三

奏摺

七十四

復斃兩廣老賊全天義雲天安等數十名是日我軍受傷勇丁
二十三名斃賊千餘名生擒三百餘名奪獲賊馬五十三匹洋
槍洋礮一百餘桿此仁右營平江營及清勇在玉廣界上擊賊
疊勝之實在情形也王德榜王開琳劉明珍由浙掃蕩入江八
月二十二日王德榜王開琳擊賊於七都球殺廣賊九百餘名
二十三日劉明珍擊賊於草坪收降二萬餘人王開琳擊賊於
茅畝生擒四百餘名收降九百餘名王德榜擊賊於大橋殺二
百餘名賊退江玉交界之新塘邊王德榜逼賊館而軍是夜偽
天神黃福泰偽天義蒼福龍陸義泛偽天福丁天福劉三元李
金星以六千人降二十五日劉明珍進勦玉山之人都斬馘甚

夥王德榜進剿新塘邊堅陣相持有二會穿黃馬褂者降卒指
曰此洪福瑱之堂兄洪元珍李遠繼之姪李金信也戴奉聘蕭
得龍縱馬斬之王德權李運勝左右包抄斃賊千餘名生擒五
十三名奪獲騾馬二百七十餘匹偽印八十三顆王開琳於二
十四日拔抵廣豐乘夜出隊將及五都髮探回報花旗羣賊正
擁僞幼主而行王開琳馳出賊前賊以洋槍隊死拒我勇傷三
十餘人都司謝吉祥死之丁長勝羅瑞山郭德馨莫坤和方友
才魏友盛等身先士卒斬悍賊數百人賊卻復前者數次俄礮
斃僞尊王劉逆賊潰是日老湘營斃賊千餘名生擒四百餘名
奪獲騾馬五十餘匹二十六日安武軍追賊於溪邊沙頭等處

沈文肅公政書卷三

奏摺

七十五

均有斬獲王開琳馳抵鐵山賊造飯未熟焚村而遁截殺百餘
名是夜王開琳飭朱義和李林魁督奮勇八百餘人疾進大隊
繼之五鼓近上瀘販探稱前股已去後股打館對河朱義和等
分隊從上下游潛渡中路留勇數人隔河鳴號賊倉皇出走截
殺四五百名追至谷口憑險回拒陣亡勇丁一名受傷十餘名
我軍奮擊又斃賊百餘名該逆且戰且走至鉛山界天色平明
登山望我軍人少復拚死返撲忽見大隊馳至闐然而散沿途
復斃賊數百名有廣賊數十陷入谷中伏地受刃此長左老湘
安武各軍在玉廣饒鉛界上擊賊獲勝之實在情形也提督黃
少春統克勇疾馳與王德榜及劉明珍所部之喬中岳等二十

七日會於河口知賊之必趨湖坊也二十八日黃少春帶降人吳定邦以河口汛把總楊映春爲嚮導出走馬販王德榜出修文埠喬中岳出柴家埠抵湖坊該逆望見吳定邦旗幟知投誠之可免死也僞王宗譚乾元譚慶元譚文元譚士元環天安張先發珪天福曹天樂璫天燕張光明等以三千餘人降僞天將吳紹全以八百餘人降黃少春令曰眞降者左袒擊賊譚乾元等倒戈衝殺賊敗入村中戴奉聘喬中岳亦各有受降遂分三路進擊殺悍賊千餘名李運勝生擒僞譽王李瑞生據降人指稱該逆爲李遠繼之兄洪秀全訓蒙時所授讀者也洪福瑱棄黃風帽黃馬褂與羣逆攀崖而遁馬匹器械沿途填委是夜我

軍追及於距陳坊十里之荒山將士於山下藉草而臥該逆號哭之聲遍於巖谷黎明復翻山以出二十九日黃少春王德榜擊之於陳坊沿途斬馘不可勝數王德榜受降三千餘人此克勇長左安武各軍在鉛山界勦撫並用之實在情形也查前准左宗棠咨僞昭王黃文英業經浙軍擊斃此次平江營所殺是否確係黃文英抑係他逆襲其僞號殊難懸揣惟提驗袍韉風帽繡金盤龍備極精緻而統領南方主帥僞印尤非尋常僞會所有其爲巨逆無疑現在廣信所屬一律肅清主客各軍奮擊窮追不遺餘力仰賴 國家威福東路化險爲夷除克勇老湘營聞浙督標虎勇安武等軍應由左宗棠查明請獎外其尤爲

出力之布政使銜浙江記名道王德榜應如何獎勵之處出自
宸裁留江補用道張岳齡可否 賞加按察使銜記名總兵顧
雲彩可否以提督記名 簡放記名總兵李佑厚可否 賞給
勇號副將李運勝可否以總兵記名 簡放副將銜參將林珠
可否以副將仍留江西補用其餘出力員弁兵勇可否由臣擇
尤請獎之處出自

逾格天恩陣亡花翎都司何明德都司謝吉祥伏懇 敕部從
優議卹以慰忠魂理合會同協辦大學士兩江督臣會國藩閩
浙督臣左宗棠兵部右侍郎臣彭玉麟恭摺由驛六百里馳奏
伏乞

沈文肅公政書卷二

奏摺

七十七

皇太后

皇上聖鑒訓示謹奏

再准劉典咨稱探報偽幼主洪福瑱偽祐王李遠繼均薙髮扮作難民率餘黨由陳坊過高岡竄花橋分兩股一由雲際關出光澤境一由茶山出瀘溪境仿照官兵模樣百姓莫知其爲賊該營派住橫板橋坐探委員馬振鸞逼諸塗相去數武始覺之與親兵陶仁傑手刃四賊各受傷殞命劉倬雲聞信截之於北案降其尾股三百餘人各營追至冷水坑該逆晝不落村莊夜用香火照行並無停趾崇山峻嶺絕少人烟我軍糧盡而返等情席寶田聞賊之出瀘溪也截之於珀玕而其入光澤者復由杉關出飛鳶鮑超馳赴南豐截之竊計殘匪數千避兵而行不

沈文肅公政書卷三

奏摺

七十八

循蹊徑力求追合前股其氣衰竭無足重輕惟瑞金自七月二十七日程汀州鎮總兵關鎮國解圍後旋汪海洋丁太陽所踞攻破民寨數處聚糧煎餉其勢復熾速李世賢挫於南安其分擾興國信豐會昌龍南崇義各界之賊亦經官紳兵練先後合力擊退相率入粵汪海洋勢難孤立行將遁矣乃聞湖逆西來李世賢解南雄之圍分股回竄其竄龍南者二十三日犯酒源堡我勇受傷甚多退守縣城二十四日犯水西團首武生廖龍飛民人廖玉珍力戰死之嗣知縣蔣如琳督同各紳大集鄉團敗之於犁頭嘴殺斃溺斃五六百名生擒四十餘名又敗之於里仁堡殺斃百餘名生擒二十餘名該逆遁向定南其竄會

昌者二十三日知縣洪贊善飭代理把總邱廷貴勦於板坑都司崔騰芳從九章騰蛟會之殺賊三百餘名生擒十五名救出難民六百餘名斬其僞天將羅林生該逆遁向瑞金而瑞金丁逆亦竄甯都之黃石罐江口等處二十六日委員馬榮甲督團勇扼守溪岸苦與相持賴永福馬成香繞渡上游擊之斬賊百餘賊遁歸瑞林寨韓進春馳至賊遁甯都之銀坑二十八日分犯興國之上下謝甯都之仙霞觀均經團勇擊退殺賊各數十我勇亦傷亡數人二十九日賊全力撲仙霞觀團勇不支退回甯都縣城接准鮑超函開如南豐截之不及卽由甯都馳赴瑞金_臣查東路肅清我軍可以專注西路鮑超謀勇爲羣逆所震

沈文肅公政書卷三

奏摺

七十九

懾統其全部西向必能殲除羣醜上慰宸廑所有陣亡之擬保從九文童馬振鸞可否敕部照從九例議卹武生廖龍飛可否照外委例議卹出自逾格鴻慈理合會同協辦大學士兩江督臣曾國藩閩浙督臣左宗棠兵部右侍郎臣彭玉麟附片馳陳伏乞聖鑒訓示謹奏

徐生德請假就醫片

同日

再准江忠朝咨營務處記名提督徐生德八月十四日在南安打仗身中數槍因恐震動軍心忍痛立馬匿傷督戰槍子深入要害事後雖經割出而元氣虧損時復昏迷遍訪名醫咸稱危險南安鋪戶稀少藥物全無請予奏明給假赴贛就醫等情臣查該提督徐生德天性忠勇疊著戰功茲因要害中槍驟難醫治相應仰懇

天恩准予賞假兩箇月赴贛就醫一俟醫痊卽行飭令赴營効力以示體卹理合會同協辦大學士兩江督臣曾國藩閩浙督臣左宗棠兵部右侍郎臣彭玉麟附片馳奏伏乞 聖鑒訓示

沈文肅公政書卷三

奏摺

八十

謹奏

再准江忠朝咨稱南安郡城自咸豐年間疊遭寇亂城中瓦礫僅存戶不滿百本年八月初十日賊由南雄繞竄水城與南安郡城僅隔一河相望才數十步城中鐵字等軍先經署知府黎兆棠派防各隘存郡勇丁不敷守壕忠朝在楊柳坑聞報懸賞勵士漏夜兼程深慮赴援不及次午抵郡見悍賊數千已結筏渡河而城內軍民鎮定如常心竊異之訪之紳衿父老僉稱黎兆棠之母馮氏迎養在署賊至時黎兆棠一面布置城守一面派親丁護送其母出城馮氏叱之曰汝能報國我復何惜今日正當舉家與城存亡以固人心作士氣耳黎兆棠遂與同城

沈文肅公政書卷三

奏摺

八十一

官紳立軍令狀誓以死守賊陵城黎兆棠親率鄉兵猛擊馮氏出簪珥犒士人人感奮賊退後忠朝詢知其守節撫孤備嘗艱苦黎兆棠居官政績得力於母教者爲多恭讀乾隆四十五年上諭尙書畢沅之母張氏教子有方能爲國宣勳

賞給張氏經訓克家扁額今黎兆棠之母馮氏身處危城誓死勿去人心爭奮大局幸全求諸歷代巾幗名臣亦難數觀伏念朝廷激揚忠義以勸有功凡在行闕莫不榮膺懋賞矧奇節

出自閨閫尤爲冠絕一時忠朝雖以武功起家凡於忠孝節義之事可以維人心厚風俗者概不忍聽其湮沒請予奏獎前來

覆加查訪馮氏深明大義人無閒言而江忠朝自掩其血戰

查明辦理降衆情形摺

同治三年九月十七日

奏爲查明辦理降衆情形恭摺覆陳仰祈 聖鑒事竊照同治三年八月初七日奉

上諭陳炳文率衆求撫自係情於軍威勉思效順惟黨衆有六萬餘人洋槍隊七千餘人爲數太多安置遣散均不易辦楊岳斌當督飭鮑超察看真偽妥籌辦理現在辦理情形及汪海洋譚逆李逆蹤跡卽著會合沈葆楨具奏等因欽此遵查陳炳文等降衆前經鮑超挑選精銳洋礮隊千八百人分立三營以陳炳文張學明陶金會將之嗣因張學明陶金會未能約束頗涉騷擾復將其所部裁撤以張學明陶金會隸於陳炳文充作哨

沈文肅公政書卷三

奏摺

八十三

官爲啟化副中營隨同殺賊自効陳炳文等感 朝廷寬大之恩尙知奮勉圖功並無反側其餘六萬餘衆均經鮑超陸續儘數遣散據撫州建昌等府稟報均各安靜回籍亦無騷擾情事足慰 宸廑至汪海洋現仍盤踞瑞金鮑超已由甯都進剿其僞幼沛王譚逆已與侍逆併歸一股出沒於江廣之交目下饒信撫建均無他虞 臣等檄東路各軍馳赴吉安相機進取以杜下竄之勢而成合剿之局理合會同協辦大學士兩江督臣曾國藩閩浙督臣左宗棠兵部右侍郎臣彭玉麟恭摺馳奏伏乞 皇太后

皇上聖鑒訓示謹奏

奏爲韓營克復雲都恭摺仰祈 聖鑒事竊臣於九月十一日業將各路軍情馳陳在案續據報稱僞天將丁太陽八月二十九日攻陷雲都三十日擾及贛縣之添子塢一帶爲隘背小嶺等鄉團勇所挫救出難民數百名奪獲米糧無數韓進春聞雲城被擾督隊疾馳至水頭敗其斷後之賊初二日抵離城二十里之新墟山勢掩映林木茂密我軍搜伏而進谷中突出悍賊千餘董德春蔣連發擊之會天發魏高勝楊孫發曾炳榮分路抄出賊驚遁入城韓進春乘勢掃清北鄉賊館築壘新墟初三日卯刻令先鋒營前營抽隊蹂躪賊地中左右三營分路接應

沈文肅公政書卷三

奏摺

八十四

抵離城五里許悍賊數千嚴陣以待見我軍少蠶擁爭出猛衝數次不動乃佯與我相持潛將馬隊數百盤山徑而入適我左營接應之兵由此徑而出薄之於險該逆人馬辟易跌斃懸崖者無數魏高勝乘勝踵追遂出賊後該逆腹背受敵尙勉強分頭支柱中右二營踵至賊乃狂奔丁逆自率精銳護之入城我軍仰攻洋槍雨集陣亡三名受傷十餘名是夜城中火光燭天訊據生擒賊供丁逆圖由贛縣興國邊界疾趨吉安而鄉團盤獲奸細搜出丁逆致康逆僞文適與之合韓進春親統四營於初五日移軍李四廟截之丁逆率悍黨力爭韓進春令陽顯彬等以五成隊憑險迎敵餘皆趕築營壘余福興槍斃賊自各勇

亦斃賊不少。鏖戰二時，我軍營壘粗就。丁逆見天險已失，廢然而返。楊必遇領馬隊，猛追斬擒甚夥。是夜韓進春傳令各營沿山徧燒號火，不時開礮以擾之。初六日寅刻，約新墟各營攻東北兩門，韓進春督李四廟各營攻西門，小西門代理雲都縣知縣鄒汝銓把總鍾榮陞與雲都贛縣興國附近團紳各以田勇助戰。該逆出西北兩門分路迎拒，槍礮斃賊甚多，抵死不退。韓進春令親軍馬隊由楊梅坳潛襲其後，西門之賊驚潰不得入。城賊心慌，頓開南門涉河而遁。北門之賊遂亦狂奔，當將縣城克復。我軍追抵河干，賊溺斃不少，獲老長髮二百餘名，奪騾馬十三匹，旗幟槍礮三百餘件。城中又搜獲餘匪五百餘名。該

沈文肅公政書卷三

奏摺

八十五

逆竄向禾豐，會天發等躡蹤緊追，沿途斬馘無算。至離城二十里之下堡，始行收隊。臣查丁太陽爲著名悍逆，其蟠踞雲都也希圖乘虛潛窺吉安，擾我善地。臣檄精毅平江仁右鼓湘等勇並防撫之贛兵，由東路馳赴吉安。一時皆未能趕到，仰賴國家威福，幸得化險爲夷。所有尤爲出力之升用副將撫標中軍參將韓進春，可否以總兵記名，簡放其餘出力員弁紳勇，可否臣擇尤請獎出自逾格。鴻施理合會同協辦大學士兩江督臣曾國藩、閩浙督臣左宗棠、兵部右侍郎臣彭玉麟恭摺由驛六百里馳陳伏乞

皇太后

皇上聖鑒訓示謹奏

沈文鼎公政書卷二

奏摺

八十六

皇山沈文鼎公政書卷二

再據統領浙江質字營溫處道魏諭義稟稱湖逆由陳坊分兩股一由大路向雲際關一由小路向大呂口計洪福瑱馬隊尚多必出大路因督隊疾進八月二十九夜亥刻抵雲際關悍賊千餘扼關迎戰我軍環施槍礮鏖戰二時斃賊極多賊猶恃險堅拒逮開放西瓜礮始相率驚潰分路抄擊收降三千餘人斬賊目數十餘賊數百等情又據廣昌縣彭芝等稟稱湖逆竄逼東境精毅營躡蹤緊追沿途痛勦殲無算該逆全數越唐坊入石城境席寶田復督隊前進等情又據署贛南道蔡應嵩轉據會昌縣洪贊善等稟稱會昌練勇會同瑞金縣董錫圭所募

沈文肅公政書卷三

奏摺

八十七

潮勇並各鄉團勇九月初七日辰刻克復瑞金縣城等情旋准鮑超函開初九日已刻抵廣昌正擬由石城進勦瑞金忽報康逆圍甯都甚急遂連夜拔營飭馳百二十里限初十日趕至甯都速行抵距甯都五十里之池埠遇賊探隊圍而獲之供稱瑞金石城界上甯都城外已無賊蹤康逆到處勾添賊黨希圖接應湖逆盤踞對河之東山壩角飾港石港五厚渡蓮湖等處去我營七八里十餘里不等我軍今夜五鼓出隊黎明定開大仗務將該逆一律殲除等因臣查建昌地面業已肅清康逆憚鮑超威名棄瑞金之守解甯都之圍悉銳來拒以期洪福瑱之倖脫但使該逆肯拚死決戰俾鮑超得以盡其所長則大局可從

此底定也除探明戰狀再行飛報外理合會同協辦大學士兩
江督臣曾國藩閩浙督臣左宗棠兵部右侍郎臣彭玉麟附片
馳陳伏乞 聖鑒訓示謹奏

沈文肅公政書卷三

奏摺

八十八



沈文肅公政書卷三 奏摺 八十八
五十四日會同協辦大學士曾國藩左宗棠兵部右侍郎彭玉麟附片
馳陳伏乞 聖鑒訓示謹奏

奏爲席軍翦除湖逆授獲偽酋恭摺仰祈 聖鑒事竊 臣 於九月十七日業將精毅營進剿湖逆大概情形附陳在案茲據席寶田稟稱湖逆由陳坊分股黃文英率六七千人向光澤洪仁玕挾幼逆率四五千人向瀘溪九月初四日會於新城向橫村而遁初五日席寶田馳抵新城令謝蘭階率六營前驅自統六營繼進賊晝夜不停趾所至一餐卽行我軍亦舍輜重輕裝而進晝夜緊追初九日辰刻始及之於廣昌之唐坊賊列隊死拒翼繼昌踰嶺抄之斬悍酋數名殺斃生擒各數百名奪騾馬二十餘匹已刻謝蘭階等又及之於白水嶺賊扼嶺死戰我勇傷

沈文肅公政書卷三

奏摺

八十九

七十餘人陳柏貴等拚力奮擊賊潰墜崖死者不可勝計殺斃生擒又各數百名奪騾馬百餘匹席寶田至傳餐畢令衆將曰不擒幼逆毋得收隊疾馳三十餘里入夜及之於楊家牌坊落縣互賊倦甚蟻聚爲炊烟火相望唐本有周家長繞伏其前劉建業李逢祥伏其右魏玉彩屈得茂伏其左陳柏貴蘇元章翼繼昌韓孝忠謝先植等分布山均鼓角一聲縱兵塵擊賊驚惶失措悍黨數千擁幼逆遁踞古嶺危崖壁立界廣昌石城之交上下二十餘里賊憑險堅拒漏四下月已酉沈夏基鴻廖生達斬關而入力戰死之陳柏貴王學開均受槍傷各勇憤不可當賊棄嶺遁狂奔數里人馬擁擠不前我軍乘之急賊呼曰必死

矣蓋決戰我軍少阻席寶田斬退者以徇弁勇爭奮賊屍填山
腰自相踐踏而遁至嶺下喘不能行席寶田揮大隊逼之偽酋
自知其萬無生理也揮死黨四散踰山越澗而逸不令成隊使
我軍莫知所追席寶田令各營分隊搜剿自率輕騎疾進生擒
洪秀全之弟偽干王洪仁玕黃文金之弟偽昭王黃文英斬偽
鳳王賓天義瑜天義忠誠朝將李逆朱逆等酋初十日已刻至
高田墟詢據秦民僉稱賊竄閩界不滿千人矣復先後生擒偽
天將天義天安天豫百餘名偽御林軍及老廣賊七八百名羣
賊千餘名殺斃三千餘名解散數千名奪驃馬六七百匹洋槍
八九百枝而我軍人不釋甲馬不解鞍者蓋五晝夜矣十一日

沈文肅公政書卷三

奏摺

九十一

席寶田令謝蘭階向閩界追剿又搜擒四五百人追抵距甯化
城二十餘里之盤窰山已星散無可蹤跡乃收隊還據所擒賊
供漏網之酋惟偽主將羅逆王逆而已幼逆實未入閩境也十
二日各營搜獲幼逆左右偽侍御各列王數十百名並幼逆所
乘馬數匹廝養卒數名石城縣會繼勳亦督鄉團搜獲洪秀全
之兄偽卹王洪仁政卽前與韋志俊據湖北省城之洪國宗也
席寶田提訊羣酋咸稱佑逆李遠繼已殞於陣至幼逆洪福瑱
或謂死於亂軍或稱自經山僻搜查各處荒谷縊死之賊不少
未得其屍逐檢所俘十餘歲孩童與所供狀貌均不相類請將

黃文英洪仁玕洪仁政等解省確訊前來臣查幼逆親黨護從

悉數就擒僅一黃口小兒何能獨脫惟必須有實在下落方釋
羣疑至偽昭王黃文英前准左宗棠咨業經浙軍擊斃嗣據張
岳齡稟報黃文英斃於廣豐將其偽印等件解省呈驗經_臣奏
明在案此次席軍所擒是否確係黃文英亦須研訊明確以昭
覈實第此股悍賊拚死疾馳思勾合汪李等逆蔓延爲害席寶
田披星戴月盡力猛追奔馳數百里苦戰五晝夜窮除殆盡殊
屬異常勤奮可否仰懇

天恩准予開復降補知府處分仍以按察使記名簡放賞
還布政使銜勇號所部將士可否容_臣擇尤請獎之處出自
逾格鴻施陣亡花翎遊擊夏基鴻藍翎外委廖生達伏懇 敕

沈文肅公政書卷三

奏摺

九十一

部從優議卹以慰忠魂除飭遴委幹員將黃文英洪仁玕洪仁
政等解省詳訊另奏請

旨定奪並分飭各營縣再行認真搜查外理合會同協辦大學
士兩江督臣曾國藩閩浙督臣左宗棠兵部右侍郎臣彭玉麟
恭摺由驛六百里馳奏伏乞

皇太后

皇上聖鑒訓示謹奏

霆營飛援甯都血戰解圍摺

同日

奏爲霆營飛援甯都血戰解圍恭摺仰祈 聖鑒事竊 臣於本

月十七日將霆營馳抵池埠情形附陳在案茲准鮑超咨稱初十日在池埠齊隊連夜築壘飛函繞道知會甯都州數次均不得達續獲賊探供稱汪海洋悍黨十數萬許灣敗散後僅贖四五萬竄伏瑞金迨李世賢入粵所部三江兩湖賊衆不願西行陸續有三萬餘衆回投康逆又截留丁太陽所部數千人湖州逃匪亦有潛入其中者遂復猖獗現留二萬餘衆攻甯都汪海洋自率精銳悉數內犯賊館聯絡四十餘里等語是夜三鼓署參將石玉署知州郭毓龍專勇混出賊營稟稱初八初九等日

沈文肅公政書卷三

奏摺

九十二

悍逆數萬晝夜猛攻該營州督同賴永福馬成香及各文武紳

民誓以死守斃賊千餘我勇傷亡亦以百計勢甚危急等情十

一日黎明該逆以我軍倍道而來營壘未固將乘我之乏也由

左路出萬餘人繞過新五營營後三里右路出二萬餘人壓副

五營及啟化仁春各營而陣長十餘里中路之賊前隊數十層

迫老五營後隊林立山岡彌望無間鮑超親帶各將領登山規

畫令譚勝達曹志忠孫開華鄧訓誥李文益陣左路岡阜周鵬

舉鄭德亮陣營後山頂熊高望江白康陣於山後以防伏賊唐

仁廉黎光照曾成武吳雲集洪容海蕭榮貴胡良作羅文忠鄒

連陞陳炳文陣右路岡阜馮標萬守根應之劉順隆王衍慶羅

運昌黃海清唐發陣於田壠楊友益應之周有勝史宗興楊德
珍段福婁雲慶鄧雲貴胡達尊陣於中路張九林應之蕭連貴
馬勝泰陣於河干布置甫定賊拚死衝突洋礮洋槍子如雨點
鮑超領馬步各軍五路齊進連環轟擊敗其前隊後股層層抵
拒勢如潮湧譚勝達邵誥孫開華曹志忠李文益等盡力斫
殺左路之賊潰唐仁廉洪容海胡良作鄒連陞蕭榮貴羅文宓
吳雲集曾成武陳炳文馮標等擊退右路躡蹤緊追悍賊數千
忽從林閒突出鄭德亮周鵬舉迎頭擊之賊卻適態高望江自
康領馬隊攔腰殺出劉順隆王衍慶黃海清羅運昌等馳過田
壠抄擊其後右路之賊亦潰中路賊數尤衆周有勝史宗興楊

沈文肅公政書卷三

奏摺

九十三

德珍段福直搗中堅婁雲慶鄧雲貴胡達尊等馬隊橫截其右
蕭連貴馬勝泰馬隊循河衝出十盪十決賊乃不支我軍追至
山下圍殺方酣聲震巖谷忽另股從山巔壓下拚命搏鬪適譚
勝達等乘勝馳至襲據山巔斷其歸路賊大潰我軍追殺四十
餘里當將吳口渡張連湖坑山港烏林壩沙字營夏村連湖劉
方均李沅村大路口一帶賊巢悉數踏平積屍盈野是夜就賊
館囤糧而食休息片時五鼓復督隊前進十二日辰刻抵甯都
州城平城外數十壘立解城圍石玉賴永福馬成香郭爲蕃馬
榮甲等各領兵練隨同追勦距城三十餘里始行收隊兩日計
陣亡卒占魁洪龍海曹志本洪潮海鍾世名張明坤譚尙德杜

賢才楊國友高凱風等十員勇丁陣亡受傷二百餘名斃賊萬數千名生擒二千三百餘名內偽朝將王金瑞偽主將蕭國有中天安施榮化金天豫洪星元成天福張學禮奉天安高德華曉天燕瞿雲傑朝天豫謝玉龍等賊目一百二十四名均於軍前正法咨會前來臣查康逆收合餘燼爲困獸之鬪回撲甯都圖犯撫建其鋒甚銳鮑超以萬餘衆疊摧巨敵立解重圍固全腹地屏蔽大局誠非淺鮮應如何加恩逾格獎勵之處出自宸裁所部將領員弁勇丁應請敕下曾國藩查明優保以作士氣其固守危城尤爲出力之署甯都州事捐升知府郭毓龍可否以道員留江補用代理參將花翎都司銜甯都營守備石

沈文肅公政書卷二

奏摺

九十四

玉可否以遊擊留江儘先補用 賞加副將銜藍翎都司銜儘先守備賴永福可否以遊擊留江儘先補用 賞換花翎藍翎守備銜儘先千總馬成香可否以都司留江儘先補用 賞換花翎候選知縣分缺先用縣丞郭爲蕃可否以知州卽選 賞戴花翎藍翎已革玉山縣知縣馬榮甲可否俟錢糧處分開復後 賞換花翎其餘官紳勇練可否容臣擇尤請獎出自 逾格鴻施陣亡花翎遊擊牟占魁安徽卽補都司洪龍海花翎都司曹志本藍翎都司洪潮海都司銜藍翎守備鍾世名藍翎守備張明坤藍翎把總譚尙德藍翎外委杜賢才楊國友儘先外

委高凱風仰懇

天恩敕部從優議卹以慰忠魂理合會同協辦大學士兩江督
臣曾國藩閩浙督臣左宗棠兵部右侍郎臣彭玉麟恭摺由驛
六百里馳奏伏乞

皇太后

皇上聖鑒訓示謹奏

沈文肅公政書卷三

奏摺

九十五

再據署龍南縣知縣蔣如琳等稟 伊南雄之賊犯龍南之酒源堡等處經團勇擊敗後八月二十四夜後隊大股復竄插株垌背另股擾及龍口距城均十餘里蔣如琳令外委羅玉雲紮插株垌嶺左守備范應龍紮西一河干縣丞蔣煥雲紮先農壇紳首廖光瀾赴龍口自統勁旅並整武軍扼犁頭嘴二十五日卯刻該逆由插株垌嶺巔擁而下羅玉雲俟其行近山腰開轟槍礮該逆冒突煙火拚命下趨羅玉雲督各勇衝上截殺斃賊數十名賊恃洋槍堅拒我勇陣亡五六名范應龍望見賊勢兇猛過橋助戰該逆斜趨水西由犁頭嘴渡河蔣如琳搶赴河干

沈文肅公政書卷三

奏摺

九十六

斬登岸之賊數百名半濟者槍斃溺斃不計其數該逆後隊乃由下游偷渡范應龍繞出東門過河迎頭截擊蔣如琳橫截其腰蔣煥雲追躡其尾將賊截作兩段我軍槍礮猛轟賊應聲而仆簾牌短刀層層繼進斃賊五六百名北門守垛各勇亦齊聲吶喊賊隊散亂奪路狂奔有騎賊三圍而殺之得其印一刊陵天侯朱常陵一刊僞天燕陳斗垣一刊蔑天侯何花桂各字樣生擒僞承委楊玉壽僞金軍師章有僞穆王蘇喜僞軍帥俞如江並長髮二百餘名救出難民二三百名共獲僞印十二顆僞照四張騾馬十二匹洋槍五枝關刀十餘柄旗幟不計其數餘逆竄向定南廳境而去查該縣文武紳民同心殺賊疊保危城

洵堪嘉尚所有尤爲出力之署龍南縣事留江遇缺卽補同知
直隸州蔣如琳可否 賞戴花翎藍翎儘先守備龍南汛把總
范應龍可否 賞換花翎其餘出力員弁紳勇可否容_臣擇尤
請獎之處出自 逾格鴻慈除再飭令確探嚴防外理合會同
協辦大學士兩江督臣曾國藩閩浙督臣左宗棠兵部右侍郎
臣彭玉麟附片陳明伏乞 聖鑒訓示謹奏

沈文肅公政書卷三

奏摺



霆營攻克瑞金賊遁出境摺

同治三年十月初二日

奏爲霆營攻克瑞金賊遁出境恭摺仰祈 聖鑒事竊臣於九月二十五日業將甯都解圍情形馳陳在案茲准鮑超咨稱該逆自甯都敗後回踞瑞金鮑超率師連日追剿沿途擒斬極多賢帶兵練嚮導午刻抵瑞金北城下該逆前股入城密布堞口拚力死守後股背城而陣鮑超督各軍三路猛擊以馬隊由兩旁林閒抄出縱橫盪決城外之賊大潰城賊驚惶失措開西南門遁我軍由東北門入當將縣城克復城外賊館賊卡賊壘一律踏平追至距城三十餘里之莖田直達閩界我軍連日勞乏

沈文肅公政書卷三

奏摺

九十八

始行收隊回縣稍爲休息計三日生擒殺斃長髮共五六千人乞降解散者不計其數餘賊由武平山路潛遁已知會閩省防軍一體截剿等因咨會前來臣查鮑超統師入江冒暑血戰平許灣七十餘壘攻克金谿瀘溪南豐新城力解甯都重圍削平瑞金踞逆東南大局深資保障臣詰訊僞干王洪仁玕賊中所最憚者何人據供文則曾國藩武則鮑超洵不愧中興名將現在悍寇屏跡全省將次肅清應如何 優加恩獎之處伏候宸裁其所部將領員弁兵勇可否 敕下曾國藩破格請獎之處出自

天恩臣惟有嚴飭各屬加意嚴防以杜回竄仰副

聖主綏靖東南之至意理合會同協辦大學士兩江督臣曾國
藩閩浙督臣左宗棠兵部右侍郎臣彭玉麟恭摺由驛六百里
馳奏伏乞

皇太后

皇上聖鑒訓示謹奏

沈文肅公政書卷二

奏摺

九十九



奏摺
沈文肅公政書卷二
九十九

令把總黃梅魁九月初一日寅刻督隊前進賊斫樹焚燒光明如書見我軍至列陣而前我軍奮勇齊轟賊不動姚元盛揮令伏兵四起各堡團勇同時雲集賊乃大潰我軍沿途追殺賊屍枕籍生擒七十餘名當賊之據天花寺也各處鄉團見賊之強頗有顧慮竇鴻儀姚元盛各以兵勇助之三十等日橫岡大石伯洪下歷四堡李楊張廖劉會繆鄭蕭謝陳等姓大集各於黃塘會坑小倅一帶會合剿洗疊獲勝仗武生龍雲專力戰死之我勇陣亡十餘名受傷三十餘名共斃偽天燕天福天豫天戴天安天侯朝將尙書丞相承宣檢點等逆酋多名長髮數百名救出被擄難民數百名獲籛天燕嚴加興無天福會明桂棧天

沈文肅公政書卷二

奏摺

一百一

豫陳言曖天義蔣壹和杓天安吳李仔港天侯朱榮朝將鄧城承宣丞相袁得勝檢點謝永勝偽尙書典糧各偽印圖記三十六顆偽照二十張偽官名冊五本偽詔偽諭等件騾馬二百餘匹旗幟五十九面餘逆向廣東和平而遁該廳境內一律肅清等情臣查該廳官紳同心殺賊力保危城洵堪嘉尙所有尤爲出力之署定南廳事同知銜捐升知縣候補布理問竇鴻儀可否賞戴花翎署橫岡營都司花翎儘先都司姚元盛可否以遊擊留江儘先補用其餘官紳弁勇可否容臣擇尤請獎出自逾格鴻施陣亡武生龍雲章仰懇

天恩敕部照外委例從優議卹以慰忠魂理合會同協辦大學

士兩江督臣會國藩閩浙督臣左宗棠兵部右侍郎臣彭玉麟
附片馳陳伏乞 聖鑒訓示謹奏

沈文肅公政書卷二

奏摺



補片題補片二 聖鑒訓示新奏

士兩江督臣會國藩閩浙督臣左宗棠兵部右侍郎臣彭玉麟

席軍生擒首逆摺

同治三年十月初三日

奏爲席軍生擒首逆恭摺陳仰祈 聖鑒事竊臣於九月二十五日業將精毅營追剿湖逆情形馳陳在案續據席寶田稟稱九月十三日在高田獲僞尊王劉慶漢蓋與林鳳翔李開防擾亂直隸河南山東等處漏網巨兇也幼逆遁湖州以洪仁玕爲正軍師該逆副之就擒時受傷甚重未便稽誅發石城縣訊供後卽凌遲處死席寶田以幼逆之尙無蹤跡也十六日移駐石城派謝嘯階唐家桐分帶小隊會同石城縣會繼勦四山搜捕二十五日遊擊周家良得之荒谷並得李秀成次子李其祥請將洪福瑱解省確訊並將該逆親書供單呈送前來竊念洪

沈文肅公政書卷三

奏摺

一百三

福瑱黃口小兒無足介意惟洪秀全竊號十有餘歲流毒十有餘省遺孽猶在則神奸巨慝倚其名號足以揮召羣兇臣詰洪仁玕以由浙入江意將何往據供定議從撫建合康侍等逆出湖北會石達開陳玉成餘黨踞荆襄以窺長安不料汪海洋李世賢業經官軍剿遁是以尋蹤西行等語臣查李世賢已入南雄復回龍定擊退後又由粵境東趨汪海洋回犯甯都迨偏入武平又折窺汀界湖北之賊亦舍英霍而入廣濟無非思得幼逆妄冀死灰復燃如其遁出鄰封雖一時稽誅尙可合力兜圍使之終就羅網儻窮餓荒谷以死抑斃於亂兵之中則未能明

正典刑將倡亂之莠民與通誅之餘匪處處得而僞託以搖惑

人心當幼逆遁至廣昌去康逆已閒不容髮幸席寶田晝夜窮
勦迫至石城鮑超援甯都克瑞金使康逆無可容足而幼逆輒
轉荒谷十有餘日不爲餓莩卒就生擒此皆

列聖在

天之靈與

皇太后

皇上威福所致東南大局從此底定矣所有尤爲出力之擬請
開復記名按察使席寶田應如何 優加恩獎之處出自 宸
裁藍翎同知銜卽選知縣謝蘭階儘先選用知縣陳寶箴可否
免選本班均以同知直隸州知州不論雙單月卽選並 賞戴

沈文肅公政書卷三

奏摺

一百四

花翎花翎參將銜儘先補用遊擊龔繼昌屈得茂該二員青陽
解圍案內均擬保以參將儘先補用並加副將銜此次可否免
補參將均以副將儘先補用並 賞加勇號花翎儘先補用遊
擊魏玉彩周家良該二員青陽解圍案內均擬請以參將儘先
補用並加副將銜此次可否免補參將均以副將儘先補用並
賞加勇號花翎儘先補用都司陳柏貴青陽解圍案內擬保以
遊擊儘先補用加參將銜此次可否免補遊擊以參將儘先補
用並 賞加副將銜儘先補用守備唐本有青陽解圍案內擬
保都司儘先補用此次可否免補都司以遊擊儘先補用並

賞加參將銜藍翎不論雙單月遇缺儘先選訓導唐家桐可

否免選本班以知縣留江補用藍翎同知銜署石城縣事准補
永甯縣知縣曾繼勳可否以直隸州知州升用並 賞換花翎
其餘出力員弁勇丁可否容 臣 擇尤請獎出自 逾格鴻施洪
福瑱應否檻送到京李其祥年僅四歲應否飭令解省牢固監
禁俟十一歲時照例辦理均請

旨遵行除將洪福瑱親筆供單與石城縣錄呈劉慶漢口供咨
送軍機處備覈並俟洪福瑱解到詳訊另奏請

旨定奪外理合會同協辦大學士兩江督臣曾國藩閩浙督臣
左宗棠兵部右侍郎臣彭玉麟恭摺由驛八百里馳陳伏乞
皇太后

沈文肅公政書卷三

奏摺

一百五

皇上聖鑒訓示謹奏

福建軍情萬緊請令閩浙督臣剋日入閩摺同治三年十月初六日

奏爲福建軍情萬緊懇 恩敕令左宗棠移節入閩以扶危局

恭摺馳陳仰祈 聖鑒事竊臣本月初五日接據會辦汀邵營

務候選道陳景會稟稱粵逆回竄汀界九月初十日臬司張運

蘭全師失利遂陷武平是時瑞金踞逆盡數下竄粵之大埔嘉

應閩之永定均各先期失守龍巖繼之全局震動請咨鮑超派

軍應援等情臣以鮑超駐師瑞金去閩較近劉典本有援閩之

議當卽咨商請其相機辦理旋復接准徐宗幹及閩省紳士飛

函以該逆九月十二日陷龍巖十四日陷漳州張運蘭存亡莫

卜統帥無人徐宗幹擬出省調度而省防單薄人心驚惶不得

沈文肅公政書卷三

奏摺

一百六

不暫留坐鎮等因臣查該逆爲尋幼逆蹤跡而東惟已連陷堅

城難保不意圖久踞漳郡去省僅六百餘里地勢平衍無險可

憑且慮其窮無復之結連海寇以爲退步則濱海數省復須在

在設防徐宗幹坐鎮省垣前敵諸軍誠恐無所統攝帶兵出省

根本重地又慮過於空虛臣桑梓關情際此存亡危急之秋不

得不爲億萬生靈請命現在全浙肅清邊防鞏固可否仰懇

天恩敕令閩浙督臣左宗棠剋日入閩督辦以慰民望而固軍

心理合恭摺馳奏伏乞

皇太后

皇上聖鑒訓示謹奏

訊明首逆供情摺

同治三年十月十三日

奏爲訊明首逆供情恭摺仰祈 聖鑒事竊臣於本月初三日業將精毅營生擒首逆情形馳陳在案初五日據席寶田派訓導唐家桐等將洪福瑱護解到省臣親提研鞫據供原名洪天貴嗣稱洪天貴福襲僞號後所刻僞璽橫書眞主二字故誤傳爲洪福瑱係洪秀全長子母賴氏己酉年生於廣東原籍今歲四月十九日洪秀全伏冥誅二十四日該逆遂襲僞號所供日期尙沿僞朔實則洪秀全死於四月二十九日該逆竊號於五月五日也大兵下金陵該逆逃僞忠王府李秀成等護之從城缺出得出者千餘人至廣德州僅數百人乃與黃文金等謀西

沈文肅公政書卷二

奏摺

一百七

竄冀合康侍諸逆以圖再逞沿途瀕危者屢均以羣逆死救得脫至石城之楊家牌爲官軍夜襲乃紛然獸散各不相顧該逆過橋護從尙數十人追者至驚墮馬下羣逆挾之踰嶺同十餘人擠入深坑中官兵一一縛之該逆伏暗中獨免乃潛入荒山中蟠伏四日飢甚有白衣人與以餅受之遂不見又兩日乃下山詐稱湖北人張姓入唐姓民家爲之割禾者四日唐姓人令薙髮促之歸輾轉道中兩日茫然不知所往乃就擒臣察看該逆頂髮翦斷僅留數寸目望視口操粵音於僞宮中瑣屑謬妄之狀言之甚悉其爲僞孽無疑除將臣及南昌府許本壩所訊供詞並護解委員沿途收其自寫筆跡咨送軍機處備覈外理

合會同協辦大學士兩江總督臣曾國藩閩浙督臣左宗棠兵部右侍郎臣彭玉麟恭摺由驛六百里馳陳伏乞

皇太后

皇上聖鑒訓示謹奏

沈文肅公政書卷三

奏摺

一百八



訊明逆會供情摺

臣

奏爲訊明逆會供情恭摺仰祈 聖鑒事竊

臣

於九月二十五

日業將精毅營生擒逆會情形馳陳在案茲據席寶田將偽干

王洪仁玕偽卹王洪仁政偽昭王黃文英派員解省並在營訊

取各供錄送前來

臣

發交南昌府許本壩覆訊後當卽親提隔

別研鞫均各供認不諱中間情節覈與席寶田許本壩所呈供

單大概相同亦時有互異洪仁政蠢然一物於賊中情形不甚

了了黃文英貌甚英鷲質之子逆卹逆均稱確係其人當時浙

中及廣豐誤報陣斃者實緣得其偽印之故其言洪逆內政之

昏亂各會擁兵自衛之情形頗有條理洪仁玕則老奸巨猾真

沈文肅公政書卷三

奏摺

一百九

羣兇渠魁洪秀全謀叛之萌該逆實愆戾之已未而後僞政歸
其掌握流毒江浙幾無子遺雖覈其所言一味夸張悖誕而賊
中事蹟則顛末甚詳所有該逆等應如何辦理之處相應請

旨遵行除將各該逆節次供詞暨洪仁玕親筆供單同所作詩

句並簽駁李秀成口供原本咨送軍機處備覈外理合會同協

辦大學士兩江督臣曾國藩閩浙督臣左宗棠兵部右侍郎臣

彭玉麟恭摺由驛六百里馳奏伏乞

皇太后

皇上聖鑒訓示謹奏

籲請歸養摺

臣三

臣等謹將

奏爲歷陳下忱懇 恩歸養事竊臣於咸豐九年在廣饒九南道任內以親老丁單詳由前撫臣耆齡奏請回籍侍養沐

文宗顯皇帝錫類之仁准予開缺到籍後 簡放吉南贛甯道

繼 派幫辦江西全省團練瀝情呼籲均荷 曲全 高天厚

地之恩隕身難報

臣等謹將

聖主御極 召臣馳赴會國藩軍營是時江浙淪胥幾無完土

臣父母責臣以致身之義不許再辭勉効馳驅愴然就道中途

拜撫江之 命自知非才力所及而時事孔棘未敢自陳當卽

恭摺謝 恩並奏明俟金陵成功大慙就戮容臣再申前請幸

沈文肅公政書卷三

奏摺

一百十

蒙 優答刻骨難忘伏念臣父年七十有八臣母年七十有一

素體非健去日苦多今歲疊接家書臣父於七月得脾泄之證

幸調治漸愈臣母自春閒舊恙暴發誤服祛風之劑致手足麻

木動履維艱飲食罕進夜不成寐臣際違溫清於今三年回首

家山夢魂飛越而當時髮逆西竄羣盜如毛江右情形危若累

卵何敢以庭闈私戀上瀆 宸聰比者仰賴 國家威福金陵

光復大難削平洪福瑱弭首就擒海內同聲快慰而敗逆深入

閩境連陷漳龍各郡縣省城震動人心搖搖臣父母衰病之餘

何堪聞此奇警倚閭之望不知正復何如臣數日以來寢饋俱

廢夙疾增劇心煩意亂罔識所爲伏惟我

皇上孝治之隆光被四表凡有血氣悉在 陶冶之中合無仰
懇 天眷照臨察臣下私 准予開缺回籍侍養俾臣父母得
以永戴 生成浹髓淪肌曷其有極謹具摺附驛馳陳伏乞

皇太后

皇上聖鑒臣不勝惶悚待命之至謹奏

沈文肅公政書卷三

奏摺

一百十一

洪福瑱就地凌遲處決摺

三年十月二十七日

奏爲逆首洪福瑱遵

旨就地凌遲處決恭摺仰祈 聖鑒事竊臣欽奉

上諭沈葆楨奏官軍生擒首逆一摺幼逆洪福瑱雖係洪秀泉之子而么膺小醜漏網餘生亦不值檻送京師著沈葆楨卽將洪福瑱在江西省城凌遲處死等因欽此臣因在闡辦理監臨事務謹於十月二十日委藩司孫長紱恭請

王命並飭臬司文輝會同督糧道段起鹽法道吳集禧署臣標

中軍參將榮翰將該逆洪福瑱綁赴市曹凌遲處死以快人心理合會同協辦大學士兩江督臣曾國藩閩浙督臣左宗棠兵

沈文肅公政書卷三

奏摺

一百十二

部右侍郎臣彭玉麟恭摺由驛六百里馳奏伏乞

皇太后

皇上聖鑒訓示謹奏

此摺到五十四日... 奏爲逆首洪福瑱遵旨就地凌遲處決恭摺仰祈 聖鑒事竊 欽奉 上諭沈葆楨奏官軍生擒首逆一摺幼逆洪福瑱雖係洪秀泉之子而么膺小醜漏網餘生亦不值檻送京師著沈葆楨卽將洪福瑱在江西省城凌遲處死等因欽此 臣因在闡辦理監臨事務謹於十月二十日委藩司孫長紱恭請 王命並飭臬司文輝會同督糧道段起鹽法道吳集禧署 標中軍參將榮翰將該逆洪福瑱綁赴市曹凌遲處死以快人心理合會同協辦大學士兩江督臣曾國藩閩浙督臣左宗棠兵部右侍郎臣彭玉麟恭摺由驛六百里馳奏伏乞 皇太后 皇上聖鑒訓示謹奏

洪仁玕等三犯就地凌遲處死片 同 11

再 臣 欽奉

上諭沈葆楨奏拏獲兇悍逆首請旨辦理一摺著卽將洪仁玕洪仁政黃文英三犯就地凌遲處死等因欽此遵卽委令按察使文輝會同署撫標中軍參將榮翰於十月二十五日將洪仁玕洪仁政黃文英綁赴市曹凌遲處死以快人心理合會同協辦大學士兩江督臣曾國藩閩浙督臣左宗棠兵部右侍郎臣彭玉麟附片馳陳伏乞 聖鑒謹奏

沈文肅公政書卷二

奏摺

一百十三

報獲木質偽璽片 同日

再據席寶田稟前獲洪福填時詢以偽璽何在據稱玉刻偽璽並未帶出金陵至廣德時另刻木質偽璽係交親信賊目背負現已不知所往旋查該賊目已經營中擒獲提訊供稱九月初九夜被俘之時卽已拋棄山谷席寶田隨派弁勇及石城縣差役押同該犯前往尋覓十月初五日於廣石交界民家得該逆木質大小偽璽各一方所刻皆違悖字樣稟送呈驗前來除發善後局存儲外理合會同協辦大學士兩江督臣曾國藩閩浙督臣左宗棠兵部右侍郎臣彭玉麟附片陳明伏乞 聖鑒謹奏

沈文肅公政書卷二

奏摺

一百十四

臣等查該逆等所刻偽璽係用木質刻成其形制與真璽無異且其刻工亦極其精巧誠恐流傳各省為害匪淺臣等當即會同協辦大學士兩江督臣曾國藩閩浙督臣左宗棠兵部右侍郎臣彭玉麟附片陳明伏乞 聖鑒謹奏

籲懇收回 成命摺 同日

奏爲欽奉 恩綸瀝陳悚愧下忱籲懇 逾格鴻慈收回 成命以安 臣 心恭摺仰祈 聖鑒事竊 臣 於本月二十日伏讀

上諭沈葆楨著加恩賞給一等輕車都尉世職並賞給頭品頂戴等因欽此自 天聞 命無地容身在 君父之恩有加而

無已然 臣 子自問必求其所安伏念 臣 以告養道員 簡授巡

撫不次之擢曠代所稀祇以時事孔艱未敢固讓而智力淺短奉職無狀至今耿耿於中茲以大愆就擒 天施下逮凡此

異數皆統兵大臣親歷行間十餘年身經數百餘戰所不敢希冀者 臣 何人斯乃安坐得之 臣 抵任時江西闔境肅清以 臣 籌

沈文肅公政書卷三

奏摺

一百十五

備無方致遭蹂躪疊請嚴加議處從重治罪皆蒙 恩貸下私

慚感刻弗去懷今與蘇皖浙之全省淪胥疆臣闡草披荆光復舊物者一體論功自顧駑庸何以堪此當賊氛四逼 臣 未出省

門一步並以韜略不如諸將一切調度未敢遙制悉令前敵統兵大員相機辦理血戰累月僅足相持又經曾國藩左宗棠不

分畛域分以不貲之餉濟以決勝之師轉危爲安庶有今日而主客諸將奔馳於炎風烈日之中晝夜不得休息弁勇傷病殆

半裹創血戰扶疾以行且餉輒逾期師無宿飽病者缺醫藥亡者遲斂葬其被擾各郡縣百姓焚殺之酷流亡之慘目不忍觀

耳不忍聞稍爲完善之區又皆竭其脂膏以充兵餉然而主客

各軍及闔省紳商士庶猶能仰體 國家德意奮勉圖功輸將

恐後者或諒臣限於才力所不及尚無因以爲利之心故也今

死傷未收流亡滿野欠餉動逾百萬賑卹莫展一籌臣貪天之

功因人之力先膺 上賞縱軍民退無後言臣已滋愧况絮長

較短人孰無情方今悍賊尙據鄰封時時有回竄之虞萬一軍

民稍有違心所關大局殊非淺鮮雖 朝廷賞罰自有權衡非

頡蒙所能窺測然 天無私覆凡臣子心所未安之故均許委

曲自諫於 君父之前臣非敢飾謙讓之虛文早邀 聖明洞

鑒合無仰懇 鴻慈逾格俯念臣爲大局起見 恩准收回

成命俾軍民得以共諒臣心 高厚生成永戴無極冒昧瀆陳

沈文肅公政書卷三

奏摺

一百十六

伏乞

皇太后

皇上聖鑒訓示臣不勝惶恐待命之至謹奏

訊明繼果營營官摺 同治三年十一月初四日

奏爲原參之繼果營營官遵

旨訊明恭摺仰祈 聖鑒事竊臣 欽奉

上諭楊岳斌沈葆楨奏江西補用道王沐經楊岳斌派令自撫州移軍秀才埠並赴樂安一帶截剿節節逗遛所部勇丁沿途騷擾嗣經撤去統帶抗不移交其營官運同銜知縣王安敦遊擊賀長春唐榮貴縱容勇丁索餉滋鬧王沐著卽革職從重發往軍臺効力贖罪不准藉端奏留王安敦賀長春唐榮貴著一

併革職交楊岳斌沈葆楨提訊縱勇確情從嚴懲辦等因欽此楊岳斌業經請假回籍 臣 沈葆楨遵卽劄飭總局司道將王安

沈文肅公政書卷三

奏摺

一百十七

敦等嚴訊去後茲據提訊王安敦賀長春唐榮貴供稱革員等於本年六月閒隨同統領王沐在撫州防剿二十五日奉楊岳斌劄飭移紮豐城之秀才埠以固江忠朝席寶田後路遵於二十七日拔營二十九日抵豐城之苟笏墟七月初一日王沐率營哨各官徧行察看因秀才埠距崇仁縣城六十里相去太遠難以接應且地勢空闊四面受敵不若黃柏界有險可憑爲該逆竄秀才埠要路去崇仁才三十里聲勢聯絡履勘後隨卽紮營稟奉楊岳斌批飭仍遵前劄辦理王沐卽於初四日由黃柏界折回秀才埠中間往返請示竊期於軍事有益並非敢沿途逗遛是時聽逆踞金谿康逆踞許灣侍逆分踞崇宜擁衆各十

數萬幸鮑超以二萬餘人苦戰獲勝殺賊萬計損傷士卒亦以千計設使康逆先行西趨繼果營勇數不過二千病者幾半無險可憑一有蹉跌大局何堪設想王沐之屢請濟師職是之故至崇仁復後七月十四日未刻卽奉楊岳斌劄調前往崇仁駐守十五日正行抵距城二十五里之潯源經劉典檄飭赴贛王沐當卽飛稟請示暫駐以待十六日楊岳斌飭令改赴廣昌十七日由潯源拔營十八日抵武家圩計行七十里又奉楊岳斌面諭回守宜黃實因賊勢無常軍行亦難豫定並非無故遷延至秀才埠被賊焚擄一空該營至日居民始稍稍歸來值有兩勇夫搬取門扉王安敦查獲當卽正法梟示所過之地多被賊

沈文肅公政書卷三

奏摺

一百十八

擾荒涼寂寞巷無居人各勇丁欲求茶水亦不可得何堪再擾惟撫州拔營時病勇極多且有路斃者其中因病落後閒有借歇民家王沐必派弁勇接護到營不任久駐七月二十五日楊岳斌飭將王沐撤去統領二十六日總兵劉祥勝到營統領維時王安敦臥病牀蓐劉祥勝曾經目覩二十七日賀長春等奉王沐嚴諭刻日造冊送交點驗各勇聞知紛紛以欠餉太久一旦更換統領向誰索取請將欠餉給清再歸接統王安敦等反覆開導堅不信從比王沐具稟到臣經臣嚴切批飭王沐復督同王安敦等再三勸戒許以歸劉祥勝接統後王沐暫駐營中俟照數給清然後離營無如各勇終懷疑慮竊詰其故僉稱離

鄉千里歷盡艱危欠餉既多父母妻子飢寒難免今聞要到甘肅離家愈遠言歸愈難現在祇求清餉歸家另謀生業如接統後不願前往則違犯軍令罪更難辭此當日未能移交實在情形並非敢於違抗也統領王沐亟思回籍守制以軍事孔棘未蒙允准此次奉撤實所甘心革員等猶留營官感激不暇豈有縱勇抗拒之理且革員等十生九死倖得功名豈不知不歸接統難逃參辦無如各勇念切歸家心不可轉剗切曉諭聲淚俱下不能強使信從此則才力不及罪無可追至縱勇滋鬧飲血盟誓實無其事等語再三窮詰矢口不移錄敘供摺呈送前來臣查繼果營自撫州拔隊既多病勇落後則騷擾已非無因該營官等防範不周無從解免嗣因更易統帥輒生疑慮該營官等不能設法開導尤屬咎無可辭惟訊無縱勇滋鬧及有心抗拒情事尙可曲原現該營勇丁均經該營官等妥爲遣散安靜回籍可否仰懇

天恩俯准將已革運同銜知縣王安敦已革遊擊賀長春唐榮貴業經革職免其治罪之處出自逾格鴻施理合會同協辦大學士兩江督臣曾國藩閩浙督臣左宗棠兵部右侍郎臣彭玉麟恭摺馳奏伏乞

皇太后

皇上聖鑒訓示謹奏

沈文肅公政書卷三

奏摺

一百十九

已革補用道王沐免子發往軍臺片

同日

再已革留江補用道王沐於奉撤統領之際不能妥爲交卸實屬咎無可辭惟去歲皖南之役各路援軍未集賊已深逼婺源該道以孤軍首當其衝三戰皆捷劉典到後合力奮擊皖南轉危爲安而浙江江西亦藉資保障當時非此軍血戰大局已不堪設想臣不敢繩其一眚掩其全功該革員前以在營丁憂哀求回籍守制臣因軍事孔亟附片奏留今寇宓未安倉皇遣戍察其情狀極可矜憐茲幸賴天威江境肅清大愆就戮可否仰懇

皇上推恩錫類法外施仁俯准將已革留江補用道王沐

沈文肅公政書卷三

奏摺

一百二十

免于發往軍臺効力俾得回籍終制出自逾格鴻慈理合會同協辦大學士兩江督臣曾國藩閩浙督臣左宗棠兵部右侍郎臣彭玉麟附片具陳伏乞聖鑒訓示謹奏

遵 旨援閩兼防回竄摺 同日

奏爲遵

旨援閩兼防回竄恭摺仰祈 聖鑒事竊 臣承准議政王軍機大臣字寄同治三年十月十六日奉

上諭瑞金踞匪已全數下竄正可騰出兵力赴閩會剿江省防務仍著沈葆楨妥籌兼顧勿令回竄等因欽此查 臣前聞漳龍之警當卽咨商劉典鮑超相機進援並飭韓進春劉勝祥由會昌察看賊勢毋分畛域就近進規武平在案現據探稱武平業經閩粵各軍克復疊獲奸細訊據供稱康逆不願入粵有回江西過年之語然閩省軍情如此其急 臣何敢只圖自顧漠不關沈文肅公政書卷三

奏摺

一百二十一

心劉典所部八千人已陸續行抵甯化日內卽可進駐汀州鮑超奉

旨賞假回籍 臣恭錄

上諭咨催接統之提督宋國永稟雲慶迅速八閩記名臬司王德榜經左宗棠委署福建臬司 臣飭其將在江所部之長左副左等營一併帶往以厚兵力其贛南道王文瑞一軍奉

旨調令赴粵查粵境已全數肅清王文瑞業赴本任有地方關稅之責未便遠離其統領浙江老湘營之總兵王開琳尙駐贛州王文瑞之姪也 臣飭王文瑞將所部付與兼統合力援閩各軍八閩後江省兵勢較單 臣咨請周寬世由信豐進紮長甯飭

張岳齡由龍泉進駐會昌以固南贛門戶韓進春移駐瑞金劉
勝祥移駐廣昌與石城之席寶田互相聯絡以固撫建門戶並
飭各營察看賊勢隨時相機辦理是否有當理合會同協辦大
學士兩江督臣曾國藩閩浙督臣左宗棠兵部右侍郎臣彭玉
麟恭摺由驛五百里馳陳伏乞

皇太后

皇上聖鑒訓示謹奏

沈文肅公政書卷三

奏摺

一百二十二

恭謝 天恩摺 同治三年十一月二十九日

奏爲恭謝

天恩事竊臣欽奉

上諭沈葆楨著毋庸開缺賞給伊父母人蔭六兩交該撫祇領用資調攝等因欽此當卽恭設香案望闕叩頭祇領訖伏念

臣幸逢 泰運承乏豫章徒曠晨昏奚裨 山海比因雙親衰

病拜疏陳情迺蒙 俯鑒臣衷渥邀

帝賚捧 朶雲而頂禮望薇露以披 函分藥籠之上精作蘭

陔之珍膳邈逾得三年之艾益勵丹心顯揚蒙一字之 褒敢

忘遠志椿萱拜 賜歡顏永戴於千秋桑梓傳觀 孝治聿光

沈文肅公政書卷二

奏摺

一百二十三

夫四表臣惟有勉効厥職無忝所生以期仰答 錫類鴻慈於

萬一所有微臣感激下忱理合具摺恭謝

天恩伏乞 聖鑒謹奏

寔營兵不宜分摺

同治三年十二月初五日

奏爲甘肅福建軍情均極喫緊寔營兵不宜分故陳管見仰祈
聖鑒事竊臣准提督鮑超咨奉

上諭准假兩月假滿後出關勦賊以所籌分勇增兵協餉各事

宜請臣切實代奏等因伏惟行兵莫先乎審敵用人必盡其所

長臣查回部自唐迄今千有餘年雄視西域種類流入中土與

華民雜居雖數百年不改其俗其天性之悍鷲生聚之蕃衍心
志之齊一迥非他部之比關外平沙廣漠敵騎兩驟風馳以十
數營步卒當之勇者無所施其銳謀者無所售其巧雖勁必折
其惟堂堂之陣正正之旗馬隊車營相輔而行始克有濟此用

沈文肅公政書卷三

奏摺

一百二十四

衆之地也汪海洋李世賢鬼蜮伎倆變態萬端其羽翼尙十餘
萬皆自戰之餘懷必死之志間粵土匪從而附之聞地山重水
複千蹊萬徑此擊彼竄防不勝防稍涉大意便墮術中其必將
識士意士識將心呼吸相通首尾相顧始克有濟此用奇之地
也鮑超之治軍也算定後戰度不中不發雖倉猝遇敵必深溝
固壘偵探四出務得賊情躬率諸將親觀戰地凡敵營之前後
左右山川向背徑途紆折瞭然於心歸詢諸將之願戰者飭取
軍令狀乃於廳事畫地爲賊壘令諸將各以所派進兵路徑次
第按行使人人如虜在目中次日乃決戰號令一出悄然無聲
勇者不得獨進怯者不得獨退奇正分合使萬衆如一身稍有

卻者雖鎮將立按軍法身臨前敵將士能否一一周知故措置營哨各官必稱其職以爲室家近則有所戀欲人人有致死之心故不甚用士人親故多則有所恃欲人人有畏罪之心故不甚用鄉人其戰必克楚軍見而信之其罰必行楚軍習而安之故樂用楚人此鮑超一軍之實在情形也前者鮑超到省臣與往返熟商竊以西陲如此其急宜統全部西行再於川省添調額兵甘省多購良馬方可獨當一面謀出萬全誠以此軍繫天下之望必不容使少有蹉跌者也迨接閩中軍報林文察陣歿漳州劉典先勝後挫退守連城閩事大棘江防亦警東南之禍仍未有艾竊以霆軍遠征何如近剿但將康侍諸逆殲盡先紓

沈文肅公政書卷三

奏摺

一百二十五

朝廷南顧之憂乃以天下全力肅清西陲剿撫兼施自然就範然欲近剿康侍亦須霆營全部兵力方能摧陷廓清非酌抽十數營所能竣事且恐新舊交接之際將領兩不相下彼此去就之際士卒互有違心人數驟分軍容頓改也詢鮑超來咨之意第以勢須兼顧姑作調停實則出關必得二萬人方能確有把握臣愚以爲與其兼顧而兩無足恃何如專顧而必有所成現鮑超以窳窳未安幸蒙 賞假無論出關入閩均必先行回籍合無仰懇

天恩俯念閩疆萬緊 敕鮑超假滿後仍卽兼程由江入閩其全部先由宋國永婁雲慶會統赴汀以慰民望鄂省軍情稍緩

僧格林沁忠勇謀略卓越羣倫關外情形尤所諳悉如可出關督辦必奏膚公由豫赴甘取途較捷閩省肅清後儻楚豫捻匪尙熾鮑超亦可就近移師如以回疆所繫匪輕非鮑超迅卽出關不可應請 敕鮑超全統所部前往俾得盡其所長並懇

俯如所請 敕下各省寬籌餉項源源接濟專委任以責成功

臣前以江省軍餉萬分難支裁撤精捷繼果仁右鼓湘等營兵力立形單薄寔營拔後必須另募勁旅以固邊防其寔營八江以來欠餉約三十萬尙須分月清理俾資行費總之早奏一路涉平之績卽早釋一分宵旰之勞除將鮑超原咨抄呈 御覽外理合恭摺由驛六百里馳陳伏乞

沈文肅公政書卷三

奏摺

一百二十六

皇太后

皇上聖鑒訓示狂瞽之見冒昧干瀆不勝惶悚待命之至謹奏

沈文肅公政書卷三終

